

ओं नमः परमात्मने, श्री महागणपतये नमः,
श्री गुरुभ्यो नमः, ह॒रिः ओं

कृष्ण यजुर्वेदीय तैत्तिरीय संहिता पद पाठः
(वाक्य सहित)

पञ्चमकाण्डे पञ्चमः प्रश्नः

Notes:

1. Please refer to the book “TS Kandam 1” and “TS 1.1 pada paadam with Vaakyam” for notes and conventions used in this Compilation.
2. Please download our vedic compilations from our web site www.vedavms.in

Table of Contents

5 कृष्ण यजुर्वेदीय तैत्तिरीय संहितायां पद पाठे

पञ्चमं काण्डं 3

5.5 पञ्चमकाण्डे पञ्चमः प्रश्नः—वायव्यपश्चाद्यानं निरूपणं..... 3

ओं नमः परमात्मने, श्री महागणपतये नमः,

श्री गुरुभ्यो नमः , हरिः ओं

5 कृष्ण यजुर्वेदीय तैत्तिरीय संहितायां पद पाठे पञ्चमं

काण्डं

5.5 पञ्चमकाण्डे पञ्चमः प्रश्नः—वायव्यपश्चाद्यानं निरूपणं

TS 5.5.1.1

यदेकेन स७ स्थापयति यज्ञस्य संतत्या अविच्छेदायैन्द्राः पशवो
ये मुष्करा यदैन्द्राः सन्तोऽग्निभ्य आलभ्यन्ते देवताभ्यः समदं
दधात्याग्नेयीस्त्रिष्टुभो याज्यानुवाक्याः कुर्याद्—यदाग्नेयीस्तेना
ऽऽ*ग्नेया यत् त्रिष्टुभस्तेनैन्द्राः समृद्ध्यै न देवताभ्यः समदं
दधाति वायवे नियुत्वते तूपरमा लभते तेजोऽग्नेर्वायुस्तेजस एष
आ लभ्यते तस्माद्—यद्रियङ् वायु— [] 1

TS 5.5.1.1 - Padam

यत् । एकेन । स॒स्थापय॑तीति॒ सं – स्थाप॑यति । य॒ज्ञस्य॑ ।
सन्त॑त्या इति॒ सं – तत्यै॑ । अवि॑च्छेदायेत्यवि॒ – छेदा॑य । ऐन्द्राः॑ ।
प॒शवः॑ । ये । मु॒ष्कराः॑ । यत् । ऐन्द्राः॑ । सन्तः॑ । अ॒ग्निभ्य॑
इत्य॒ग्नि – भ्यः॑ । आ॒लभ्य॑न्त इत्या॑ – ल॒भ्यन्ते॑ । दे॒वता॑भ्यः ।
स॒मद॑मिति॒ स – म॒दम् । द॒धाति॑ । आ॒ग्नेयीः॑ । त्रि॒ष्टुभः॑ ।
या॒ज्यानु॑वाक्या इति॒ याज्या – अनु॑वाक्याः । कुर्या॑त् । यत् ।
आ॒ग्नेयीः॑ । तेन॑ । आ॒ग्नेयाः॑ । यत् । त्रि॒ष्टुभः॑ । तेन॑ । ऐन्द्राः॑ ।
स॒मृद्ध्य॑ इति॒ सं – ऋ॒द्ध्यै । न । दे॒वता॑भ्यः । स॒मद॑मिति॒
स – म॒दम् । द॒धाति॑ । वा॒यवे॑ । नि॒युत्व॑त इति॒ नि-यु॑त्वते । तू॒परम् ।
एति॑ । ल॒भते॑ । तेजः॑ । अ॒ग्नेः । वा॒युः । तेज॑से । ए॒षः । एति॑ ।
ल॒भ्यते॑ । तस्मा॑त् । य॒द्रिय॑ङ् । वा॒युः । 1 (50)

TS 5.5.1.2

–वा॑ति त॒द्रिय॑ङ्-ग्नि॑र्द॒हति॒ स्वमे॑व तत् तेजोऽ॒न्वेति॒ यन्न॑ नि॒युत्व॑ते
स्यादु॒न्माद्ये॑-यज॑मानो नि॒युत्व॑ते भवति॒ यज॑मानस्याऽ*नु॒न्मादा॑य

वा॒यु॒म॒ती॑ श्वे॒त॒व॒ती॑ या॒ज्या॒नु॒वा॒क्ये॑ भ॒वतः॑ स॒ते॒ज॒स्त्वा॒य॑ हि॒र॒ण्य॒ग॒र्भः॑
स॒म॒व॒र्त॒ता॒ग्र॑ इ॒त्या॒घा॒र॒मा॑ घा॒र॒य॒ति॑ प्र॒जा॒प॒ति॒र्वै॑ हि॒र॒ण्य॒ग॒र्भः॑
प्र॒जा॒प॒ते॒रनु॒रूप॒त्वा॒य॑ सर्वा॑णि वा ए॒ष रू॒पा॒णि॑ प॒शूनां॑ प्र॒त्या ल॑भ्यते
यच्छ॑म॒श्रु॒णस्त॑त्- [] 2

TS 5.5.1.2 - Padam

वा॒ति॑ । त॒द्रि॒य॒ङ् । अ॒ग्निः॑ । द॒ह॒ति॑ । स्व॒म् । ए॒व । तत् । ते॒जः॑ ।
अ॒न्वि॒ति॑ । ए॒ति॑ । यत् । न । नि॒यु॒त्व॒त॒ इति॑ नि – यु॒त्व॒ते॑ । स्यात् ।
उ॒दि॒ति॑ । मा॒द्ये॒त् । य॒ज॒मा॒नः॑ । नि॒यु॒त्व॒त॒ इति॑ नि – यु॒त्व॒ते॑ । भ॒व॒ति॑ ।
य॒ज॒मा॒न॒स्य॑ । अ॒नु॒न्मा॒दा॒ये॒त्यनु॑त् – मा॒दा॒य॑ । वा॒यु॒म॒ती॑ इति॑
वा॒यु – म॒ती॑ । श्वे॒त॒व॒ती॑ इति॑ श्वे॒त – व॒ती॑ । या॒ज्या॒नु॒वा॒क्ये॑ इति॑
या॒ज्या – अ॒नु॒वा॒क्ये॑ । भ॒व॒तः॑ । स॒ते॒ज॒स्त्वा॒ये॒ति॑ स॒ते॒जः॑ – त्वा॒य॑ ।
हि॒र॒ण्य॒ग॒र्भ॑ इति॑ हि॒र॒ण्य – ग॒र्भः॑ । स॒मि॒ति॑ । अ॒व॒र्त॒त॑ । अ॒ग्रे॑ । इति॑ ।
आ॒घा॒र॒मि॒त्या॑ – घा॒र॒म् । ए॒ति॑ । घा॒र॒य॒ति॑ । प्र॒जा॒प॒ति॒रि॒ति॑ प्र॒जा – प॒तिः॑ ।
वै । हि॒र॒ण्य॒ग॒र्भ॑ इति॑ हि॒र॒ण्य – ग॒र्भः॑ । प्र॒जा॒प॒ते॒रि॒ति॑ प्र॒जा – प॒तेः॑ ।

अ॒नुरूप॑त्वायेत्य॑नुरूप – त्वा॑य । सर्वा॑णि । वै । ए॒षः । रू॒पाणि॑ ।
प॒शूना॑म् । प्र॒ति । ए॒ति । ल॒भ्य॒ते । यत् । श्म॒श्रु॒णः । तत् । 2 (50)

TS 5.5.1.3

पुरु॑षाणां॑ रू॒पं य॑त् तू॒पर॑स्तद॒श्वा॒नां य॑दन्यतो॒दन् तद्-ग॒वां
य॑द॒व्या इ॒व श॒फा॒स्तद॒वी॒नां य॑दजस्तद॒जा॒नां वा॒युर्वै प॑शूनां प्रि॒यं
धा॒म यद्-वा॒य॒व्यो भ॑वत्ये॒तमे॒वैन॑म॒भि सं॑जा॒नानाः प॒शव॑ उप॒ तिष्ठ॑न्ते
वा॒य॒व्यः का॒र्या(३)ः प्रा॑जाप॒त्या(३) इ॒त्याहु॑-र्यद्-वा॒य॒व्यं कु॑र्यात्
प्र॒जाप॑तेरि॒याद्य॑त् प्रा॒जाप॑त्यं कु॒र्याद्-वा॒यो – [] 3

TS 5.5.1.3 - Padam

पुरु॑षाणा॒म् । रू॒पम् । यत् । तू॒परः॑ । तत् । अ॒श्वा॒नाम् । यत् ।
अ॒न्यतो॒दन्नि॒त्यन्य॑तः – द॒न् । तत् । ग॒वा॒म् । यत् । अ॒व्याः॑ । इ॒व ।
श॒फाः । तत् । अ॒वी॒नाम् । यत् । अ॒जः । तत् । अ॒जा॒नाम् । वा॒युः ।
वै । प॒शूना॑म् । प्रि॒यम् । धा॒म । यत् । वा॒य॒व्यः । भ॑वति । ए॒तम् ।
ए॒व । ए॒नम् । अ॒भी॒ति । स॒ञ्जा॒नाना॑ इति सं – जा॒नानाः॑ । प॒शवः॑ ।
उ॒पेति॑ । तिष्ठ॑न्ते । वा॒य॒व्यः । का॒र्या(३)ः ।

प्राजापत्या(३) इति प्राजा – पत्या(३): । इति । आहुः । यत् ।
वायव्यम् । कुर्यात् । प्रजापतेरिति प्रजा – पतेः । इयात् । यत् ।
प्राजापत्यमिति प्राजा – पत्यम् । कुर्यात् । वायोः । ३ (५०)

TS 5.5.1.4

–रियाद्–यद्–वायव्यः पशुर्भवति तेन वायोर्नेति यत् प्राजापत्यः
पुरोडाशो भवति तेन प्राजापतेर्नेति यद् द्वादशकपालस्तेन
वैश्वानरान्नैत्याग्ना वैष्णवमेकादशकपालं निर्वपति दीक्षिष्यमाणोऽग्निः
सर्वा देवता विष्णुर्यज्ञो देवताश्चैव यज्ञं चाऽऽ* रभतेऽग्निरवमो
देवतानां विष्णुः परमो यदाग्ना–वैष्णव–मेकादशकपालं निर्वपति
देवता – [] ४

TS 5.5.1.4 - Padam

इयात् । यत् । वायव्यः । पशुः । भवति । तेन । वायोः । न । एति ।
यत् । प्राजापत्य इति प्राजा – पत्यः । पुरोडाशः । भवति । तेन ।
प्रजापतेरिति प्रजा – पतेः । न । एति । यत् ।
द्वादशकपाल इति द्वादश – कपालः । तेन । वैश्वानरात् । न । एति ।

आ॒ग्ना॒वै॒ष्ण॒वमि॒त्याग्ना॑ – वै॒ष्ण॒वम् । ए॒का॒द॒श॒क॒पा॒लमि॒त्ये॒का॒द॒श॒-
क॒पा॒लम् । नि॒रि॒ति॑ । व॒प॒ति॑ । दी॒क्षि॒ष्य॒मा॒णः॑ । अ॒ग्निः॑ । सर्वाः॑ ।
दे॒वताः॑ । वि॒ष्णुः॑ । य॒ज्ञः॑ । दे॒वताः॑ । च॒ । ए॒व । य॒ज्ञम् । च॒ । ए॒ति॑ ।
र॒भ॒ते॑ । अ॒ग्निः॑ । अ॒व॒मः॑ । दे॒वता॑नाम् । वि॒ष्णुः॑ । प॒र॒मः॑ । यत् ।

आ॒ग्ना॒वै॒ष्ण॒वमि॒त्याग्ना॑ – वै॒ष्ण॒वम् ।

ए॒का॒द॒श॒क॒पा॒लमि॒त्ये॒का॒द॒श॒-क॒पा॒लम् । नि॒र्व॒प॒ती॒ति॑ निः – व॒प॒ति॑ ।

दे॒वताः॑ । 4 (50)

TS 5.5.1.5

ए॒वो॒भ॒य॒तः॑ प॒रि॒गृ॒ह्य॒ य॒ज॒मा॒नो॒ऽव॑ रु॒न्धे॑ पु॒रो॒डा॒शे॒न॒ वै दे॒वा अ॒मु॒ष्मिन्॑
लौ॒क आ॒र्ध्नु॒वन् च॒रु॒णा॒ऽस्मिन्॑ यः का॒म॒ये॒ता॒ऽमु॒ष्मिन्॑ लौ॒क
ऋ॒ध्नु॒या॒मि॒ति॑ स पु॒रो॒डा॒शं॑ कु॒र्वी॒ता॒ऽमु॒ष्मिन्ने॒व लो॒क ऋ॒ध्नो॒ति॑
यद॒ष्टा॒क॒पा॒लस्ते॒ना॒ऽऽ*ग्ने॒यो यत् त्रि॒क॒पा॒लस्ते॒न॒ वै॒ष्ण॒वः॑ स॒मृ॒द्ध्यै॑
यः का॒म॒ये॒ता॒स्मिन्॑ लौ॒क ऋ॒ध्नु॒या॒मि॒ति॑ स च॒रुं॑ कु॒र्वी॒ता॒ग्ने॒र्घृ॒तं
वि॒ष्णो॒स्तण्डु॒ला-स्तस्मा॑-[] 5

TS 5.5.1.5 - Padam

ए॒व । उ॒भय॑तः । प॒रिगृ॑ह्येति॑ प॒रि-गृ॑ह्य । यज॑मानः । अ॒वेति॑ । रु॒न्धे ।
पु॒रोडा॑शेन । वै । दे॒वाः । अ॒मुष्मि॑न् । लो॒के । आ॒ध्नु॒वन् । च॒रुणा॑ ॥
अ॒स्मिन् । यः । का॒मये॑त । अ॒मुष्मि॑न् । लो॒के । ऋ॒ध्नु॒याम् । इति॑ ।
सः । पु॒रोडा॑शम् । कु॒र्वीत॑ । अ॒मुष्मि॑न् । ए॒व । लो॒के । ऋ॒ध्नो॒ति ।
यत् । अ॒ष्टाक॑पाल॒ इत्य॑ष्टा – क॒पालः । तेन॑ । आ॒ग्नेयः॑ । यत् ।
त्रि॒क॒पाल॑ इति॑ त्रि – क॒पालः । तेन॑ । वै॒ष्णवः॑ । स॒मृद्ध्य॑ इति॑
सं – ऋ॒द्ध्यै । यः । का॒मये॑त । अ॒स्मिन् । लो॒के । ऋ॒ध्नु॒याम् ।
इति॑ । सः । च॒रुम् । कु॒र्वीत॑ । अ॒ग्नेः । घृ॒तम् । वि॒ष्णाः॑ । त॒ण्डु॒लाः ।
॥
तस्मा॑त् । 5 (50)

TS 5.5.1.6

-च॒रुः का॒र्योऽस्मि॑न्ने॒व लो॒क ऋ॒ध्नो॒त्यादि॑त्यो भ॒वती॑ यं वा
अ॒दि॒तिर॒स्यामे॒व प्र॒ति ति॑ष्ठत्यथो अ॒स्यामे॒वाधि॑ य॒ज्ञं त॑नुते यो वै
सँव॑त्स॒रमु॒ख्य-म॑भृ॒त्वाऽग्निं॑ चि॒नुते॑ यथा॑ सा॒मि ग॒र्भोऽव॑पद्यते ता॒दृगे॒व

तदार्ति॑मा॒र्च्छेद्-वै॒श्वान॑रं द्वाद॑शकपालं पु॒रस्ता॒न्निर्व॑पेथ् सँव॒थ्सरो
वा अ॒ग्निर्वै॒श्वान॑रो यथा संव॒थ्सर॑माप्त्वा - [] 6

TS 5.5.1.6 - Padam

च॒रुः । का॒र्यः । अ॒स्मिन् । ए॒व । लो॒के । ऋ॒द्ध्नो॒ति । आ॒दि॒त्यः ।
भ॒व॒ति । इ॒यम् । वै । अ॒दि॒तिः । अ॒स्याम् । ए॒व । प्र॒ती॒ति । ति॒ष्ठ॒ति ।
अथो॒ इति॑ । अ॒स्याम् । ए॒व । अधी॑ति । य॒ज्ञम् । त॒नु॒ते । यः । वै ।
सँव॒थ्सर॑मि॒ति सं - व॒थ्स॒रम् । उ॒ख्यम् । अ॒भृ॒त्वा । अ॒ग्निम् ।
चि॒नु॒ते । यथा॑ । सा॒मि । गर्भः॑ । अ॒वप॑द्यत इत्य॒व - प॑द्यते । ता॒दृक् ।
ए॒व । तत् । आ॒र्तिम् । ए॒ति । ऋ॒च्छे॒त् । वै॒श्वान॑रम् ।
द्वाद॑शकपा॒लमि॒ति द्वाद॑श - क॒पा॒लम् । पु॒रस्ता॑त् । नि॒रि॒ति । व॒पे॒त् ।
सँव॒थ्स॒र इति॑ सं - व॒थ्स॒रः । वै । अ॒ग्निः । वै॒श्वान॑रः । यथा॑ ।
सँव॒थ्स॒रमि॒ति सं - व॒थ्स॒रम् । आ॒प्त्वा । 6 (50)

TS 5.5.1.7

का॒ल आ॑गते वि॒जा॒यत॑ ए॒वमे॒व सँव॒थ्स॒रमा॑प्त्वा का॒ल आ॑गतेऽग्निं
चि॒नु॒ते नाऽऽ*र्ति॑मा॒र्च्छे॒त्येषा॑ वा अ॒ग्नेः प्रि॒या त॒नूर्य॑द्-वै॒श्वान॑रः

प्रि॒यामे॒वास्य॑ त॒नुव॑मव॒ रुन्धे॑ त्री॒ण्येता॑नि ह॒वीꣳषि॑ भवन्ति त्रय॑ इ॒मे
लो॒का ए॒षां लो॒कानाꣳ रो॒हाय॑ ॥ 7

TS 5.5.1.7 - Padam

का॒ले । आ॒गत॑ इ॒त्या – ग॒ते । वि॒जाय॑त इति॑ वि – जा॒यते॑ । ए॒वम् ।
ए॒व । सँ॒व॒थ्स॒रमि॑ति सं – व॒थ्स॒रम् । आ॒प्त्वा । का॒ले । आ॒गत॑
इ॒त्या – ग॒ते । अ॒ग्निम् । चि॒नुते॑ । न । आ॒र्तिम् । ए॒ति । ऋ॒च्छ॒ति ।
ए॒षा । वै । अ॒ग्नेः । प्रि॒या । त॒नूः । यत् । वै॒श्वान॑रः । प्रि॒याम् । ए॒व ।
अ॒स्य । त॒नुव॑म् । अ॒वेति॑ । रुन्धे॑ । त्री॒णि । ए॒तानि॑ । ह॒वीꣳषि॑ ।
भव॑न्ति । त्रयः॑ । इ॒मे । लो॒काः । ए॒षाम् । लो॒काना॑म् ।
रो॒हाय॑ ॥ 7 (38) (य॒द्रिय॑ङ् वा॒यु – र्य॑च्छ॒मश्रु॑णस्तद् – वा॒यो –
निर्व॑पति॒ दे॒वता॑ – स्तस्मा॑ – दा॒प्त्वा – षा॒त्रिꣳश॑च्च) (A1)

TS 5.5.2.1

प्र॒जाप॑तिः प्र॒जाः सृ॒ष्ट्वा प्रे॒णाऽनु॑ प्रावि॒शत् ता॑भ्यः पुनः॑ संभ॒वितुं॑
नाश॑क्नो॒त् सौऽब्र॑वीदृ॒द्ध॒नव॑दि॒त् स यो मे॒तः पुनः॑ संचि॒नव॑दिति॒ तं
दे॒वाः सम॑चि॒न्वन् ततो॑ वै त आ॒र्द्ध॒र्नुव॑न् यत् सम॑चि॒न्वन् तच्चि॑त्यस्य

चित्य॑त्वं य॑ ए॒वं वि॒द्वान॒ग्निं चि॑नु॒त ऋ॒द्ध्नो॒त्ये॒व कस्मै॑ क॒म॒ग्निश्ची॑य॒त
इ॒त्याहु॑र॒ग्नि॒वा – [] 8

TS 5.5.2.1 - Padam

प्र॒जा॒प॒ति॒रि॒ति प्र॒जा – प॒तिः । प्र॒जा इति॑ प्र – जाः । सृ॒ष्ट्वा ।
प्रे॒णा । अनु॑ । प्रेति॑ । अ॒वि॒श॒त् । ता॒भ्यः । पुनः॑ । सं॒भ॒वि॒तु॒मि॒ति
सं – भ॒वि॒तु॒म् । न । अ॒श॒क्नो॒त् । सः । अ॒ब्र॒वी॒त् । ऋ॒द्ध्न॒व॒त् ।
इ॒त् । सः । यः । मा । इ॒तः । पुनः॑ । सं॒चि॒न॒व॒दि॒ति सं – चि॒न॒व॒त् ।
इति॑ । तम् । दे॒वाः । स॒मि॒ति । अ॒चि॒न्व॒न् । ततः॑ । वै । ते ।
आ॒र्द्ध॒न्व॒न् । यत् । स॒म॒चि॒न्व॒न्नि॒ति सं – अ॒चि॒न्व॒न् । तत् ।
चि॒त्य॒स्य । चि॒त्य॒त्व॒मि॒ति चि॒त्य – त्वम् । यः । ए॒वम् । वि॒द्वान् ।
अ॒ग्नि॒म् । चि॒नु॒ते । ऋ॒द्ध्नो॒ति । ए॒व । कस्मै॑ । कम् । अ॒ग्निः ।
ची॒य॒ते । इति॑ । आ॒हुः । अ॒ग्नि॒वा॒नि॒त्य॒ग्नि – वा॒न् । 8 (50)

TS 5.5.2.2

–न॒सा॒नी॒ति वा अ॒ग्निश्ची॑य॒ते ऽग्नि॒वा॒ने॒व भ॑व॒ति कस्मै॑ क॒म॒ग्निश्ची॑य॒त
इ॒त्याहु॑र्दे॒वा मा वे॒द॒न्नि॒ति वा अ॒ग्निश्ची॑य॒ते वि॒दु॒रे॒नं दे॒वाः कस्मै॑

क॒म॒ग्नि॒श्ची॒यत॒ इत्या॑हुर्गृ॒ह्यसा॑नीति॒ वा अ॒ग्नि॒श्ची॒यते॒ गृ॒ह्येव॑ भवति॒
कस्मै॑ क॒म॒ग्नि॒श्ची॒यत॒ इत्या॑हुः पशु॒मानसा॑नीति॒ वा अ॒ग्नि- [] 9

TS 5.5.2.2 - Padam

अ॒सा॒नि । इति॑ । वै । अ॒ग्निः । ची॒यते॑ । अ॒ग्नि॒वानि॒त्यग्नि॑ – वान् ।
ए॒व । भव॑ति । कस्मै॑ । कम् । अ॒ग्निः । ची॒यते॑ । इति॑ । आ॒हुः ।
दे॒वाः । मा । वेद॑न् । इति॑ । वै । अ॒ग्निः । ची॒यते॑ । वि॒दुः । ए॒नम् ।
दे॒वाः । कस्मै॑ । कम् । अ॒ग्निः । ची॒यते॑ । इति॑ । आ॒हुः । गृ॒ही ।
अ॒सा॒नि । इति॑ । वै । अ॒ग्निः । ची॒यते॑ । गृ॒ही । ए॒व । भव॑ति ।
कस्मै॑ । कम् । अ॒ग्निः । ची॒यते॑ । इति॑ । आ॒हुः । पशु॒मानि॑ति
पशु॑ – मान् । अ॒सा॒नि । इति॑ । वै । अ॒ग्निः । 9 (50)

TS 5.5.2.3

–श्ची॒यते॒ पशु॑माने॒व भव॑ति॒ कस्मै॑ क॒म॒ग्नि॒श्ची॒यत॒ इत्या॑हुः सप्त
मा पु॒रुषा॑ उप॒ जीवा॑निति॒ वा अ॒ग्नि॒श्ची॒यते॒ त्रयः॑ प्राञ्च॒स्त्रयः॑
प्रत्य॑ञ्च आ॒त्मा सप्त॑म ए॒ताव॑न्त ए॒वैन॑ममु॒ष्मिन् लो॒क उप॑ जीवन्ति

प्र॒जा॒प॒ति॒र॒ग्नि॒म॒चि॒की॒ष॒त॒ तं॒ पृ॒थि॒व्य॒ब्र॒वी॒न्न॒ म॒य्य॒ग्निं॑ चै॒ष्य॒से॒ऽति॑
मा॒ धक्ष्य॑ति॒ सा॒ त्वा॒ऽति॑द॒ह्य॒मा॒ना॒ वि॒ ध॒वि॒ष्ये॒ – [] 10

TS 5.5.2.3 - Padam

ची॒य॒ते॒ । प॒शु॒मा॒नि॒ति॒ प॒शु॒ – मा॒न् । ए॒व । भ॒व॒ति॒ । क॒स्मै॑ । क॒म् ।
अ॒ग्निः॑ । ची॒य॒ते॒ । इ॒ति॑ । आ॒हुः॑ । स॒प्त । मा॒ । पु॒रु॒षाः॑ । उ॒पे॒ति॑ ।
जी॒वा॒न् । इ॒ति॑ । वै । अ॒ग्निः॑ । ची॒य॒ते॒ । त्र॒यः॑ । प्रा॒ञ्चः॑ । त्र॒यः॑ ।
प्र॒त्य॒ञ्चः॑ । आ॒त्मा । स॒प्त॒मः॑ । ए॒ता॒व॒न्तः॑ । ए॒व । ए॒न॒म् । अ॒मु॒ष्मि॒न् ।
लो॒के॒ । उ॒पे॒ति॑ । जी॒व॒न्ति॑ । प्र॒जा॒प॒ति॒रि॒ति॑ प्र॒जा॒ – प॒तिः॑ । अ॒ग्नि॒म् ।
अ॒चि॒की॒ष॒त॒ । त॒म् । पृ॒थि॒वी । अ॒ब्र॒वी॒त् । न । म॒यि॑ । अ॒ग्नि॒म् ।
चे॒ष्य॒से॒ । अ॒ती॒ति॑ । मा॒ । धक्ष्य॑ति॒ सा॒ । त्वा॒ ।
अ॒ति॒द॒ह्य॒मा॒ने॒त्य॒ति॑ – द॒ह्य॒मा॒ना॒ । वी॒ति॑ । ध॒वि॒ष्ये॒ । 10 (50)

TS 5.5.2.4

स॒ पा॒पी॒या॒न् भ॒वि॒ष्य॒सी॒ति॒ सौ॑ऽब्र॒वी॒त् त॒था॒ वा॒ अ॒हं॑ क॒रि॒ष्या॒मि॒ य॒था॑
त्वा॒ ना॒ति॒धक्ष्य॑ती॒ति॒ स॒ इ॒मा॒म॒भ्य॑मृ॒श॒त् प्र॒जा॒प॒ति॒स्त्वा॒ सा॒द॒य॒तु॒ त॒या॑
दे॒व॒त॒या॑ऽङ्गि॒र॒स्व॒द् ध्रु॒वा॒ सी॒दे॒ती॒मा॒मे॒वे॒ष्ट॒कां॑ कृ॒त्वो॒पा॒ – ध॒त्ता॒ – न॒ति॒दा॒हा॒य॒

यत् प्र॒त्य॒ग्निं चि॒न्वी॒त तद॒भि मृ॑शेत् प्र॒जाप॑तिस्त्वा सा॒दय॑तु॒ तया॑
दे॒वत॑याऽङ्गि॒रस्व॑द् ध्रु॒वा सी॒दे- [] 11

TS 5.5.2.4 - Padam

सः । पा॒पी॒यान् । भ॒वि॒ष्य॒सि । इति॑ । सः । अ॒ब्र॒वीत् । त॒था॑ ॥ वै ।
अ॒हम् । क॒रि॒ष्या॒मि ॥ य॒था॑ ॥ त्वा । न । अ॒ति॒ध॒क्ष्य॑तीत्य॒ति-ध॒क्ष्य॑ति ।
इति॑ । सः । इ॒माम् । अ॒भी॒ति । अ॒मृ॒शत् । प्र॒जाप॑तिरि॒ति प्र॒जा-प॑तिः ।
त्वा । सा॒दय॑तु॒ तया॑ । दे॒वत॑या । अ॒ङ्गि॒रस्व॑त् । ध्रु॒वा । सी॒द । इति॑ ।
इ॒माम् । ए॒व । इ॒ष्ट॒काम् । कृ॒त्वा । उ॒पेति॑ । अ॒ध॒त्त ।
अ॒न॒ति॒दा॒हा॒येत्य॑न॒ति - दा॒हा॒य । यत् । प्र॒ती॒ति । अ॒ग्नि॒म् । चि॒न्वी॒त ।
तत् । अ॒भी॒ति । मृ॒शेत् । प्र॒जाप॑तिरि॒ति प्र॒जा-प॑तिः । त्वा । सा॒दय॑तु॒ ।
तया॑ ॥ दे॒वत॑या । अ॒ङ्गि॒रस्व॑त् । ध्रु॒वा । सी॒द । 11 (50)

TS 5.5.2.5

-ती॒मा॒मे॒वे॒ष्ट॒कां कृ॒त्वोप॑ ध॒त्तेऽन॑तिदाहाय प्र॒जाप॑तिर॒काम॑यत
प्र॒जा॒ये॒येति॑ स ए॒तमु॑ख्यमपश्यत् त॒ं सँ॑व॒थ्स॑रम॒बिभ॑स्ततो॒ वै
स प्रा॒जा॒य॒त तस्मा॑त् सँ॑व॒थ्स॑रं भा॒र्यः प्रै॒व जा॑यते तं वँ॑स॒वोऽब्रु॑वन्

प्र त्वम॑जनि॒ष्ठा व॒यं प्रजा॑यामहा इति॒ तं वसु॑भ्यः प्राय॑च्छत् तं
त्री॒ण्यहान्य॑बिभरु॒स्तेन॑ – [] 12

TS 5.5.2.5 - Padam

इति॑ । इ॒माम् । ए॒व । इष्ट॑काम् । कृ॒त्वा । उपेति॑ । ध॒त्ते ।
अ॒न॒ति॒दा॒हा॒येत्य॑नति – दा॒हा॒य । प्र॒जा॒प॒ति॒रिति॑ प्र॒जा – प॒तिः ।
अ॒का॒म॒य॒त । प्रेति॑ । जा॒ये॒य । इति॑ । सः । ए॒तम् । उ॒ख्यम् ।
अ॒प॒श्य॒त् । तम् । सँ॒व॒त्स॒रमि॑ति सं – व॒त्स॒रम् । अ॒बि॒भः । त॒तः ।
वै । सः । प्रेति॑ । अ॒जा॒य॒त । तस्मा॑त् । सँ॒व॒त्स॒रमि॑ति सं-व॒त्स॒रम् ।
भा॒र्यः । प्रेति॑ । ए॒व । जा॒य॒ते । तम् । व॒स॒वः । अ॒ब्रु॒वन् । प्रेति॑ ।
त्वम् । अ॒ज॒नि॒ष्ठाः । व॒यम् । प्रेति॑ । जा॒या॒म॒है । इति॑ । तम् ।
व॒सु॒भ्य इति॑ व॒सु – भ्यः । प्रेति॑ । अ॒य॒च्छ॒त् । तम् । त्री॑णि ।
अ॒हा॒नि । अ॒बि॒भरुः॑ । ते॒न । 12 (50)

TS 5.5.2.6

त्री॒णि च श॑तान्यसृ॒जन्त॑ त्रय॑स्त्रिंश॒तं च तस्मा॑त् त्र्य॒हं भा॒र्यः
प्रै॒व जा॑य॒ते तान् रु॒द्रा अ॒ब्रु॒वन् प्र॑ यू॒य॒म॒ज॒नि॒द्वं व॒यं प्रजा॑यामहा

इति॑ त॒ ऽ रु॒द्रेभ्यः॑ प्राय॑च्छन् त॒ ऽ षड॑हान्य॒ बिभ॑रुस्तेन॒ त्रीणि॑ च
श॒तान्य॑सृजन्त॒ त्रय॑स्त्रि॒ ऽ शतं॑ च॒ तस्मा॑त् षड॑हं॒ भार्यः॑ प्रैव॒ जाय॑ते
ताना॑दित्या॒ अब्रु॑वन् प्र॒ यूय॑मजनि॒ ढ्वं वयं॑ – [] 13

TS 5.5.2.6 - Padam

त्रीणि॑ । च॒ । श॒ताति॑ । अ॒सृज॑न्त । त्रय॑स्त्रि॒ ऽ शत॑मिति॒
त्रयः॑ – त्रि॒ ऽ शत॑म् । च॒ । तस्मा॑त् । त्र्य॒हमि॑ति त्रि – अ॒हम् ।
भार्यः॑ । प्रेति॑ । ए॒व । जा॒यते॑ । तान् । रु॒द्राः । अब्रु॑वन् । प्रेति॑ ।
यू॒यम् । अ॒जनि॑ढ्वम् । व॒यम् । प्रेति॑ । जा॒याम॑है । इति॑ । तम् ।
रु॒द्रेभ्यः॑ । प्रेति॑ । अ॒यच्छ॑न् । तम् । षट् । अ॒हानि॑ । अ॒बिभ॑रुः ।
तेन॑ । त्रीणि॑ । च॒ । श॒तानि॑ । अ॒सृज॑न्त ।
त्रय॑स्त्रि॒ ऽ शत॑मिति॒ त्रयः॑ – त्रि॒ ऽ शत॑म् । च॒ । तस्मा॑त् ।
षड॑हमिति॒ षट् – अ॒हम् । भार्यः॑ । प्रेति॑ । ए॒व । जा॒यते॑ । तान् ।
आ॒दि॒त्याः । अब्रु॑वन् । प्रेति॑ । यू॒यम् । अ॒जनि॑ढ्वम् ।
व॒यम् । 13 (50)

TS 5.5.2.7

प्र॑ जा॒याम॒हा इति॑ तमा॒दित्ये॒भ्यः प्राय॑च्छन् तं द्वा॒दशा॒हान्य॑बिभरुस्तेन॑
त्रीणि॑ च श॒तान्य॑सृजन्त त्रय॑स्त्रिंश॒तं च तस्मा॑द् द्वा॒दशा॒हं भा॒र्यः
प्रैव॑ जा॒यते तेन॑ वै ते स॒हस्र॑मसृजन्तो॒खाः स॒हस्र॑तमीं य
ए॒वमु॒ख्यः सा॒हस्रं॑ वे॒द प्र स॒हस्रं॑ प॒शूना॑प्नोति ॥ 14

TS 5.5.2.7 - Padam

प्रेति॑ । जा॒याम॒है । इति॑ । तम् । आ॒दित्ये॒भ्यः । प्रेति॑ । अ॒यच्छ॑न् ।
तम् । द्वा॒दश॑ । अ॒हानि॑ । अ॒बिभरुः॑ । तेन॑ । त्रीणि॑ । च । श॒तानि॑ ।
अ॒सृजन्त॑ । त्रय॑स्त्रिंश॒तमि॒ति त्रयः॑ – त्रिंश॒तम् । च । तस्मा॑त् ।
द्वा॒दशा॒हमि॒ति द्वा॒दश॑ – अ॒हम् । भा॒र्यः । प्रेति॑ । ए॒व । जा॒यते॑ । तेन॑ ।
वै । ते । स॒हस्र॑म् । अ॒सृजन्त॑ । उ॒खाम् । स॒हस्र॑तमीमि॒ति
स॒हस्र॑ – त॒मीम् । यः । ए॒वम् । उ॒ख्यम् । सा॒हस्र॑म् । वे॒द । प्रेति॑ ।
स॒हस्र॑म् । प॒शून् । आ॒प्नोति॑ ॥ 14 (40)

(अ॒ग्नि॒वान् – प॑शु॒मान॑सा॒नीति॑ वा अ॒ग्नि – र्द्ध॑वि॒ष्ये – मृ॑शेत्
प्र॒जाप॑तिस्त्वा सादयतु॒ तया॑ दे॒वत॑याऽङ्गि॒रस्व॑ ध्रु॒वा सी॑द – तेन –
ता॒नादि॑त्या अ॒ब्रुव॑न् प्र यू॒यम॑जनि॒द्वं व॑यं – च॒त्वारि॑ञ्श॒च्च) (A2)

TS 5.5.3.1

यजु॑षा वा ए॒षा क्रि॑यते॒ यजु॑षा प॒च्यते॒ यजु॑षा वि मु॒च्यते॒ यदु॑खा
सा वा ए॒षैत॑र्हि॒ यात॑याम्नी॒ सा न पुनः॑ प्र॒युज्ये॑त्याहु॒रग्ने॑ यु॒क्ष्वा
हि ये तव॑ यु॒क्ष्वा हि दे॒वहू॑तमा॒ङ् इत्यु॑खायां जुहोति॒ तेनै॒वैनां॑ पुनः
प्र॒युङ्क्ते॑ तेना॒यात॑याम्नी॒ यो वा अ॒ग्निं यो॑ग आ॒गते॑ यु॒नक्ति॑ यु॒ङ्क्ते
यु॒ञ्जाने॑ष्वग्ने – [] 15

TS 5.5.3.1 - Padam

यजु॑षा । वै । ए॒षा । क्रि॑यते॒ । यजु॑षा । प॒च्यते॒ । यजु॑षा । वी॒ति ।
मु॒च्यते॒ । यत् । उ॒खा । सा । वै । ए॒षा । ए॒त॑र्हि॒ । यात॑याम्नीति॒
यात॑ – या॒म्नी । सा । न । पुनः॑ । प्र॒युज्ये॑ति प्र – यु॒ज्या । इति॑ ।
आ॒हुः । अ॒ग्ने । यु॒क्ष्व । हि । ये । तव॑ । यु॒क्ष्व । हि । दे॒वहू॑तमा॒निति॑
दे॒व – हू॑तमान् । इति॑ । उ॒खाया॑म् । जुहोति॒ । तेन॑ । ए॒व । ए॒नाम् ।

पुनः॑ । प्रेति॑ । यु॒ङ्क्ते॑ । तेन॑ । अया॑तया॒म्नीत्यया॑त – या॒म्नी । यः । वै ।
अ॒ग्निम् । योगै॑ । आ॒गत॑ इत्या – ग॒ते । यु॒नक्ति॑ । यु॒ङ्क्ते॑ । यु॒ञ्जाने॑षु ।
अ॒ग्ने॑ । 15 (50)

TS 5.5.3.2

यु॒क्ष्वा हि॑ ये तव॑ यु॒क्ष्वा हि॑ दे॒व॒हू॒तमा॑ꣳ इत्या॑हैष॒ वा
अ॒ग्नेर्यो॑ग॒स्तेनै॒वैनं॑ यु॒नक्ति॑ यु॒ङ्क्ते॑ यु॒ञ्जाने॑षु ब्र॒ह्मवा॑दिनो॒ वद॑न्ति
न्य॒ङ्ङु॒ग्निश्चे॑त॒व्या(३)॑ उ॒त्ताना॑(३) इति॑ वय॒सां वा॑ ए॒ष प्र॑तिमया॒ चीय॑ते
यद॒ग्निर्य॑न्य॒ञ्चं चि॒नुया॑त् पृ॒ष्ठित॑ ए॒नमा॑हु॒तय॑ ऋ॒च्छेयु॑र्यदु॒त्तानं॑ न
पति॑तुꣳ शक्नु॒याद॑सुव॒ग्योऽस्य॑ स्यात् प्रा॒चीन॑मु॒त्तानं॑ – [] 16

TS 5.5.3.2 - Padam

यु॒क्ष्व । हि॑ । ये । तव॑ । यु॒क्ष्व । हि॑ । दे॒व॒हू॒तमा॑निति॒ देव॑ – हू॒तमा॑न् ।
इति॑ । आ॒ह । ए॒षः । वै । अ॒ग्नेः । योगः॑ । तेन॑ । ए॒व । ए॒नम् ।
यु॒नक्ति॑ । यु॒ङ्क्ते॑ । यु॒ञ्जाने॑षु । ब्र॒ह्मवा॑दिन इति॑ ब्र॒ह्म – वा॑दिनः ।
वद॑न्ति । न्य॒ङ् । अ॒ग्निः । चे॒त॒व्या(३)ः॑ ।
उ॒त्ताना॑(३) इत्यु॑त् – ता॒ना(३)ः॑ । इति॑ । वय॒साम् । वै । ए॒षः ।

प्र॒ति॒मये॑ति॒ प्रति॑ – मया॑ । ची॒य॒ते॒ । यत् । अ॒ग्निः॑ । यत् । न्य॒ञ्च॒म् ।
 चि॒नु॒यात् । पृ॒ष्टिः॑ । ए॒नम् । आ॒हु॒तय॑ इत्या – हु॒तयः॑ । ऋ॒च्छे॒युः ।
 यत् । उ॒त्ता॒नमि॑त्युत्–ता॒नम् । न । प॒ति॒तुम् । श॒क्नु॒यात् ।
 अ॒सु॒वर्ग्य॑ इत्य॒सु॒वः–ग्यः॑ । अ॒स्य॑ । स्या॒त् । प्रा॒ची॒नम् ।

उ॒त्ता॒नमि॑त्युत्–ता॒नम् । 16 (50)

TS 5.5.3.3

पु॒रुष॑शीर्ष॒मुप॑ दधाति॒ मुख॑त ए॒वैन॑माहु॒तय॑ ऋ॒च्छन्ति॑ नो॒त्ता॒नं चि॑नुते
 सु॒वर्ग्यो॑ऽस्य॒ भव॑ति सौ॒र्या जु॑होति॒ चक्षु॑रेवास्मिन् प्रति॑ दधाति॒
 द्वि॒र्जु॑होति॒ द्वे हि॑ चक्षु॑षी॒ समा॒न्या जु॑होति॒ समा॒नं हि॑ चक्षुः॒
 स॒मृ॒द्ध्यै दे॒वा॒सु॒राः सँय॑त्ता आ॒सन् ते॒ वामं॑ व॒सु सं न्य॑दधत॒ तद्दे॒वा
 वाम॑भृता॒ऽवृ॒ज्जत॑ तद्वा॒मभृ॑तो॒ वाम॑भृ॒त्त्वं य॑द्वा॒मभृ॑त () मु॒प॒दधा॑ति
 वा॒ममे॒व तया॑ व॒सु य॑जमानो॒ भ्रातृ॑व्यस्य॒ वृ॒द्धे हि॑रण्यमू॒र्ध्नी
 भव॑ति॒ ज्योति॑र्वै॒ हिर॑ण्यं॒ ज्योति॑र्वा॒मं ज्योति॑षै॒वास्य॑ ज्योति॑र्वा॒मं वृ॒द्धे
 द्वि॒यजु॑र्भवति॒ प्रति॑ष्ठित्यै ॥ 17

TS 5.5.3.3 - Padam

पुरु॒षशी॒र्षमि॑ति॒ पुरु॒ष-शी॒र्षम् । उपे॑ति॒ । द॒धा॒ति॒ । मु॒ख॒तः॑ ।
ए॒व । ए॒नम् । आ॒हु॒तय॑ इ॒त्या - हु॒तयः॑ । ऋ॒च्छ॒न्ति॒ । न ।
उ॒त्ता॒नमि॑त्यु॒त्- ता॒नम् । चि॒नु॒ते । सु॒वर्ग्य॑ इति॒ सु॒वः - ग्यः॑ ।
अ॒स्य॑ । भ॒व॒ति॒ । सौ॒र्या॑ । जु॒हो॒ति॒ । चक्षुः॑ । ए॒व । अ॒स्मिन् ।
प्र॒ती॒ति॒ । द॒धा॒ति॒ । द्विः॑ । जु॒हो॒ति॒ । द्वे॑ इति॒ । हि॒ । चक्षु॑षी॒ इति॑ ।
स॒मा॒न्या॑ । जु॒हो॒ति॒ । स॒मा॒नम् । हि॒ । चक्षुः॑ ।
स॒मृ॒द्ध्य॑ इति॒ सं - ऋ॒द्ध्यै॑ । दे॒वा॒सु॒रा इति॑ दे॒व - अ॒सु॒राः ।
सँ॒य॒त्ता इति॑ सं - य॒त्ताः । आ॒स॒न् । ते । वा॒मम् । व॒सु॒ । स॒म् ।
नी॒ति॒ । अ॒द॒ध॒त॒ । तत् । दे॒वाः॑ । वा॒म॒भृ॒तेति॑ वा॒म - भृ॒ता॑ ॥
अ॒वृ॒ज्ज॒त॒ । तत् । वा॒म॒भृ॒त इति॑ वा॒म - भृ॒तः॑ । वा॒म॒भृ॒त्वमि॑ति॒
वा॒म॒भृ॒त् - त्वम् । यत् । वा॒म॒भृ॒तमि॑ति॒ वा॒म - भृ॒तम् () ॥
उ॒प॒द॒धा॒तीत्यु॑प - द॒धा॒ति॒ । वा॒मम् । ए॒व । तया॑ ॥ व॒सु॒ । य॒ज॒मा॒नः॑ ।
भ्रा॒तृ॒व्य॒स्य॑ । वृ॒द्धे॑ । हि॒र॒ण्य॒मू॒र्ध्नीति॑ हि॒र॒ण्य - मू॒र्ध्नी॑ । भ॒व॒ति॒ ।

ज्योतिः॑ । वै । हिर॑ण्यम् । ज्योतिः॑ । वा॒मम् । ज्योति॑षा । ए॒व ।
अ॒स्य । ज्योतिः॑ । वा॒मम् । वृ॒द्धे । द्वि॒यजु॑रिति द्वि॒यजुः॑ । भ॒वति॑ ।
प्रति॑ष्ठित्या इति प्रति॑-स्थित्यै ॥ 17 (74) (यु॒ज्जाने॑ष्वग्ने॑ –
प्रा॒चीनमु॑त्तानं – वा॒मभृ॑तं – चतु॑र्विंशतिश्च) (A3)

TS 5.5.4.1

आपो॑ वरुणस्य॑ प॒त्नय॑ आ॒सन् ता॑ अ॒ग्निर॑भ्यद्ध्य॒याय॑त् ताः
सम॑भवत् तस्य॑ रे॒तः परा॑ऽप॒तत् तदि॑यम॒भवद् द्वि॑तीयं परा॑ऽप॒तत्
तद॒साव॑भवदियं॒ वै वि॒राड॒सौ स्व॒राड् यद्-वि॒राजा॑वुप॒दधा॑तीमे
ए॒वोप॑ ध॒त्ते यद्वा॑ अ॒सौ रे॒तः सि॒ञ्चति॑ तद॒स्यां प्रति॑ तिष्ठति॒ तत्
प्र जा॑यते ता ओष॑धयो – [] 18

TS 5.5.4.1 - Padam

आपोः॑ । वरुणस्य॑ । प॒त्नयः॑ । आ॒सन् । ताः । अ॒ग्निः । अ॒भीति॑ ।
अद्ध्य॒याय॑त् । ताः । समि॑ति । अ॒भवत् । तस्य॑ । रे॒तः । परे॑ति ।
अप॑तत् । तत् । इ॒यम् । अ॒भवत् । यत् । द्वि॒तीयम् । परा॑प॒तदिति॑
परा॑ – अप॑तत् । तत् । अ॒सौ । अ॒भवत् । इ॒यम् । वै ।

वि॒राडि॑ति वि – राट् । अ॒सौ । स्व॒राडि॑ति स्व – राट् । यत् ।
वि॒राजा॑वि॒ति वि – राजौ॑ । उ॒प॒द॒धा॒तीत्यु॑प-दधाति । इ॒मे इति॑ । ए॒व ।
उ॒पेति॑ । ध॒त्ते । यत् । वै । अ॒सौ । रे॒तः । सि॒ञ्चति॑ । तत् । अ॒स्याम् ।
प्र॒तीति॑ । ति॒ष्ठति॑ । तत् । प्रेति॑ । जा॒यते॑ । ताः । ओष॑धयः । 18 (50)

TS 5.5.4.2

वी॒रुधो॑ भवन्ति॒ ता अ॒ग्नि॒र॒त्ति य एवं॑ वे॒द प्रै॒व जा॑यतेऽन्ना॒दो भ॑वति
यो रे॒तस्वी॑ स्यात् प्रथ॒मायां॑ तस्य चि॒त्यामु॑भे उ॒प द॑द्ध्यादि॒मे ए॒वास्मै॑
समी॒ची रे॒तः सि॒ञ्चतो॑ यः सि॒क्ते॒रे॒ताः स्यात् प्रथ॒मायां॑ तस्य
चि॒त्याम॒न्यामु॑प द॑द्ध्यादु॒त्तमा॑याम॒न्याꣳ रे॒त ए॒वास्य॑
सि॒क्तमा॒भ्यामु॑भयतः॒ परि॑ गृह्णाति सँव॑त्सरं न क – [] 19

TS 5.5.4.2 - Padam

वी॒रुधः॑ । भवन्ति॒ ताः । अ॒ग्निः । अ॒त्ति । यः । ए॒वम् । वे॒द ।
प्रेति॑ । ए॒व । जा॒यते॑ । अ॒न्नाद॑ इत्य॒न्न – अ॒दः । भ॑वति । यः ।
रे॒तस्वी॑ । स्यात् । प्रथ॒माया॑म् । तस्य । चि॒त्याम् । उ॒भे इति॑ । उ॒पेति॑ ।
द॑द्ध्यात् । इ॒मे इति॑ । ए॒व । अ॒स्मै । समी॒ची इति॑ । रे॒तः ।

सिञ्चतः । यः । सिक्ते॑रे॒ता इति॑ सिक्ते॑-रे॒ताः । स्यात् । प्र॒थ॒मा॒या॒म् ।
तस्य॑ । चि॒त्या॒म् । अ॒न्या॒म् । उपेति॑ । द॒द्ध्य॒त् ।
उत्त॑मा॒या॒मित्यु॑त्-त॒मा॒या॒म् । अ॒न्या॒म् । रे॒तः । ए॒व । अ॒स्य॒ । सि॒क्तम् ।
आ॒भ्या॒म् । उ॒भय॑तः । प॒रीति॑ । गृ॒ह्णा॒ति ।
सँव॑त्स॒रमि॑ति सं – व॒त्स॒रम् । न । कम् । 19 (50)

TS 5.5.4.3

ञ्च॒न प्र॒त्यव॑रोहे॒न्न ही॑मे कञ्च॒न प्र॒त्यव॑रोह॒तस्त॑दे॒नयो॑र्व्र॒तं
ँयो वा अप॑ शी॒र्षा॒णम॒ग्निं चि॒नुते॑ऽप॒शी॒र्षाऽमु॑ष्मिन् ँलो॒के भ॑वति
यः स॒शी॒र्षा॒णं चि॒नुते॑ स॒शी॒र्षाऽमु॑ष्मिन् ँलो॒के भ॑वति चि॒त्तिं
जु॒होमि॑ म॒नसा॑ घृ॒तेन॑ यथा॑ दे॒वा इ॒हाऽऽ*ग॑मन् वी॒तिहो॑त्रा ऋ॒तावृ॑धः
समु॒द्रस्य॑ व॒युन॑स्य प॒त्मन् जु॒होमि॑ वि॒श्वक॑र्म॒णे वि॒श्वाऽहा॑ऽम॒र्त्यं
ह॒विरि॑ति॒ स्वय॑मा॒तृ॒ण्णामु॑प॒धाय॑ जु॒होत्ये॑- [] 20

TS 5.5.4.3 - Padam

च॒न । प्र॒त्यव॑रोहे॒दिति॑ प्र॒ति – अ॒वरो॑हेत् । न । हि । इ॒मे इति॑ । कम् ।
च॒न । प्र॒त्यव॑रोह॒त इति॑ प्र॒ति – अ॒वरो॑हतः । तत् । ए॒नयोः॑ । व्र॒तम् ।

यः । वै । अप॑शीर्॒षाण॑मित्यप॑ – शी॒र्षा॒णम् । अ॒ग्निम् । चि॒नु॒ते ।
 अप॑शीर्॒षेत्यप॑ – शी॒र्षा॒ । अ॒मुष्मि॑न् । लो॒के । भ॒वति॑ । यः ।
 स॑शीर्॒षाण॑मि॒ति स – शी॒र्षा॒णम् । चि॒नु॒ते । स॑शीर्॒षेति॑
 स – शी॒र्षा॒ । अ॒मुष्मि॑न् । लो॒के । भ॒वति॑ । चि॒त्ति॑म् । जु॒हो॒मि ।
 म॒नसा॑ । घृ॒तेन॑ । यथा॑ । दे॒वाः । इ॒ह । आ॒गम॑न्नित्या॑ – ग॒मन् ।
 वी॒तिहो॑त्रा इति॑ वी॒ति – हो॒त्राः । ऋ॒तावृ॑ध इत्यृ॒त – वृ॑धः ।
 स॒मु॒द्रस्य॑ । व॒युन॑स्य । प॒त्मन् । जु॒हो॒मि । वि॒श्वक॑र्मण इति॑
 वि॒श्व – क॑र्मणे । वि॒श्वा । अ॒हा । अ॒मर्त्य॑म् । ह॒विः । इति॑ ।
 स्व॒यमा॑तृ॒ण्णामि॑ति स्वयं॑ – आ॒तृ॒ण्णाम् । उ॒प॒धाये॑त्युप॑ – धा॒य ।

जु॒हो॒ति । 20 (50)

TS 5.5.4.4

तद्वा अ॒ग्नेः शि॒रः स॑शीर्॒षाण॑मे॒वाग्निं॑ चि॒नु॒ते स॑शीर्॒षाऽमु॑ष्मिन्
 लो॒के भ॒वति॑ य ए॒वं वे॑द सु॒वर्गा॑य वा ए॒ष लो॒काय॑ ची॒यते॑
 यद॒ग्निस्त॑स्य यद॒यथा॑पूर्वं क्रि॒यते॑ऽसु॒वर्ग्य॑मस्य॒ तथ्
 सु॒वर्ग्यो॑ऽग्निश्चि॒तिमु॑प॒धाया॑भि मृ॒शे॒च्चि॒त्तिम॑चि॒त्तिं चि॒नव॑द्वि वि॒द्वान्

पृ॒ष्ठे॒व॑ वी॒ता वृ॒जि॒ना च॒ म॒र्ता॑न् रा॒ये च॒ नः॑ स्व॒प॒त्याय॑ () दे॒व
दि॒तिं च॒ रा॒स्वा-दि॒तिमु॒रुष्ये॑ति॒ यथा॑पूर्व॒मे॒वैना॒मुप॑ ध॒त्ते प्रा॒ञ्चमे॑नं
चि॒नु॒ते सु॒व॒र्ग्यो॑ऽस्य॒ भव॑ति ॥ 21

TS 5.5.4.4 - Padam

ए॒तत् । वै । अ॒ग्नेः॑ । शि॒रः॑ । स॒शीर्॑षा॒णमि॒ति स॒ - शी॒र्षा॒णम् ।
ए॒व । अ॒ग्निम् । चि॒नु॒ते । स॒शीर्॑षे॒ति स॒ - शी॒र्षा॒ । अ॒मुष्मि॑न् ।
लो॒के । भ॒व॒ति॒ । यः॑ । ए॒वम् । वे॒द । सु॒व॒र्गाये॑ति॒ सुवः॑ - गा॒य॑ । वै ।
ए॒षः । लो॒काय॑ । ची॒य॒ते॒ । यत् । अ॒ग्निः॑ । त॒स्य॑ । यत् ।
अ॒य॒थापूर्व॑मि॒त्यय॑था - पूर्॒वम् । क्रि॒य॒ते॒ । अ॒सु॒व॒र्ग्यमि॒त्यसु॒वः-ग्य॑म् ।
अ॒स्य॑ । तत् । सु॒व॒र्ग्य इति॑ सु॒वः - ग्यः॑ । अ॒ग्निः॑ । चि॒त्ति॑म् ।
उ॒प॒धाये॑त्यु॒प - धा॒य॑ । अ॒भी॒ति॑ । मृ॒शे॒त् । चि॒त्ति॑म् । अ॒चि॒त्ति॑म् ।
चि॒न॒व॒त् । वी॒ति॑ । वि॒द्वान् । पृ॒ष्ठा । इ॒व । वी॒ता । वृ॒जि॒ना । च॒ ।
म॒र्ता॑न् । रा॒ये । च॒ । नः॑ । स्व॒प॒त्याये॑ति॒ सु - अ॒प॒त्याय॑ () । दे॒व ।

दिति॑म् । च॒ । रा॒स्व॑ । अ॒दि॒ति॑म् । उ॒रु॒ष्य॑ । इति॑ । य॒था॒पू॒र्व॒मि॒ति॑
यथा – पू॒र्व॒म् । ए॒व । ए॒ना॒म् । उ॒पे॒ति॑ । ध॒त्ते॑ । प्रा॒ञ्च॒म् । ए॒न॒म् ।
चि॒नु॒ते॑ । सु॒व॒र्ग्य॑ इति॑ सु॒वः॑ – ग्यः॑ । अ॒स्य॑ । भ॒व॒ति॑ ॥ 21 (68)

(ओष॑धयः – कं – जु॑होति – स्व॒प॒त्या॒या – षा॒द॒श॑ च) (A4)

TS 5.5.5.1

वि॒श्व॒क॒र्मा॑ दि॒शां॑ प॒तिः॑ स नः॑ प॒शून्॑ पा॒तु॒ सौ॒ऽस्मा॑न् पा॒तु॒ तस्मै॑ नमः॑
प्र॒जा॒प॒ती॑ रु॒द्रो वरु॑णो॒ ऽग्नि॑दि॒शां॑ प॒तिः॑ स नः॑ प॒शून्॑ पा॒तु॒ सौ॒ऽस्मा॑न्
पा॒तु॒ तस्मै॑ नम॑ ए॒ता वै दे॒वता॑ ए॒तेषां॑ प॒शूना॑-म॒धि॒प॒तय॑-स्ता॒भ्यो॑
वा ए॒ष आ वृ॑श्च्यते॒ यः प॑शु॒शीर्षा॑ण्युप॒ दधा॑ति हि॒रण्ये॑ष्ट॒का उप॑
दधा॒त्ये॒ताभ्य॑ ए॒व दे॒वता॑भ्यो॒ नम॑स्करोति ब्र॒ह्म॒वा॒दि॒नो – [] 22

TS 5.5.5.1 - Padam

वि॒श्व॒क॒र्मे॑ति॒ विश्व॑ – क॒र्मा॑ । दि॒शाम्॑ । प॒तिः॑ । सः॑ । नः॑ । प॒शून्॑ ।
पा॒तु॒ । सः॑ । अ॒स्मा॑न् । पा॒तु॒ । तस्मै॑ । नमः॑ । प्र॒जा॒प॒ति॒रिति॑
प्र॒जा – प॒तिः॑ । रु॒द्रः॑ । वरु॑णः । अ॒ग्निः॑ । दि॒शाम्॑ । प॒तिः॑ । सः॑ ।
नः॑ । प॒शून्॑ । पा॒तु॒ । सः॑ । अ॒स्मा॑न् । पा॒तु॒ । तस्मै॑ । नमः॑ । ए॒ताः॑ ।

वै । दे॒वताः॑ । ए॒तेषा॑म् । प॒शूना॑म् । अधि॑पतय॒ इत्यधि॑ – प॒तयः॑ ।
ताभ्यः॑ । वै । ए॒षः । ए॒ति । वृ॒श्च्यते॑ । यः । प॒शु॒शीर्षा॑णीति
पशु॑ – शी॒र्षाणि॑ । उ॒प॒द॒धातीत्यु॑प – द॒धाति॑ । हि॒र॒ण्येष्ट॒का इति॑
हि॒र॒ण्य – इष्ट॒काः । उ॒पेति॑ । द॒धाति॑ । ए॒ताभ्यः॑ । ए॒व । दे॒वता॑भ्यः ।
नमः॑ । क॒रोति॑ । ब्र॒ह्मवा॑दिन॒ इति॑ ब्रह्म – वा॒दिनः॑ । 22 (50)

TS 5.5.5.2

वद॑न्त्य॒ग्नौ ग्रा॒म्यान् प॒शून् प्र द॑धाति शु॒चाऽऽर॑ण्यान् अ॒र्पय॑ति किं
तत॑ उ॒च्छि॑ष॒तीति॑ यद्वि॒र॒ण्येष्ट॒का उ॒प॒द॒धात्य॑मृतं वै हि॒र॒ण्यम॑मृते॒नैव॑
ग्रा॒म्येभ्यः॑ प॒शुभ्यो॑ भेष॒जं क॑रोति नैनान् हि॒नस्ति॑ प्रा॒णो वै प्र॑थ॒मा
स्व॑यमा॒तृ॒ण्णा व्या॒नो द्वि॒तीयाऽपान॑स्तृ॒तीयाऽनु॑ प्रा॒ऽऽर॑ण्यात् प्र॒थमा॑
स्व॑यमा॒तृ॒ण्णामु॑प॒धाय॑ प्रा॒णेनै॒व प्रा॒णं स॑म॒दर्ध॑यति

व्य॒न्याद् – [] 23

TS 5.5.5.2 - Padam

वद॑न्ति । अ॒ग्नौ । ग्रा॒म्यान् । प॒शून् । प्रेति॑ । द॒धाति॑ । शु॒चा ।
आ॒र॒ण्यान् । अ॒र्पय॑ति । किम् । ततः॑ । उ॒दिति॑ । शि॒ष्पति॑ । इति॑ ।

यत् । हिरण्येष्टका इति हिरण्य – इष्टकाः । उपदधातीत्युप-दधाति ।
 अमृतम् । वै । हिरण्यम् । अमृतेन । एव । ग्राम्येभ्यः । पशुभ्य इति
 पशु – भ्यः । भेषजम् । करोति । न । एनान् । हिनस्ति । प्राण इति
 प्र – अनः । वै । प्रथमा । स्वयमातृण्णेति स्वयं – आतृण्णा । व्यान
 इति वि – अनः । द्वितीया । अपान इत्यप-अनः । तृतीया । अनु ।
 प्रेति । अन्यात् । प्रथमाम् । स्वयमातृण्णामिति स्वयं – आतृण्णाम् ।
 उपधायेत्युप – धाय । प्राणेनेति प्र – अनेन । एव । प्राणमिति
 प्र – अनम् । समिति । अर्द्धयति । वीति । अन्यात् । 23 (50)

TS 5.5.5.3

द्वितीयामुपधाय व्यानेनैव व्यानञ् समर्द्धयत्यपान् यातृतीयामुपधाया-
 पानेनैवापानञ् समर्द्धयत्यथो प्राणैरेवैनञ् समिन्धे भूर्भुवः सुवरिति
 स्वयमातृण्णा उप दधातीमे वै लोकाः स्वयमातृण्णा एताभिः खलुवै
 व्याहृतीभिः प्रजापतिः प्रा*ऽजायत यदेताभिव्याहृतीभिः स्वयमातृण्णा
 उपदधातीमानेव लोकानुपधायैषु- [] 24

TS 5.5.5.3 - Padam

द्वि॒तीया॑म् । उप॒धाये॑त्युप – धाय॑ । व्या॒नेने॑ति वि – अ॒नेन॑ । ए॒व ।
व्या॒नमि॑ति वि – अ॒नम् । स॒मिति॑ । अ॒र्धय॑ति । अ॒पेति॑ । अ॒न्यात् ।
तृ॒तीया॑म् । उप॒धाये॑त्युप – धाय॑ । अपा॒नेने॑त्यप – अ॒नेन॑ । ए॒व ।
अपा॒नमि॑त्यप – अ॒नम् । स॒मिति॑ । अ॒र्धय॑ति । अथो॒ इति॑ ।
प्रा॒णैरि॑ति प्र – अ॒नैः । ए॒व । ए॒नम् । स॒मिति॑ । इ॒न्धे । भूः । भुवः॑ ।
सुवः॑ । इति॑ । स्व॒यमा॑तृ॒ण्णा इति॑ स्वयं–आ॒तृ॒ण्णाः । उपे॑ति ।
दधा॑ति । इ॒मे । वै । लो॒काः । स्व॒यमा॑तृ॒ण्णा इति॑ स्वयं–आ॒तृ॒ण्णाः ।
ए॒ताभिः॑ । खलु॑ । वै । व्या॒हती॑भिरिति॒ व्या॒हति॑ – भिः ।
प्र॒जाप॑तिरिति॒ प्र॒जा – प॒तिः । प्रे॑ति । अ॒जाय॑त । यत् । ए॒ताभिः॑ ।
व्या॒हती॑भिरिति॒ व्या॒हति॑ – भिः । स्व॒यमा॑तृ॒ण्णा इति॑
स्वयं – आ॒तृ॒ण्णाः । उप॒दधा॑तीत्युप – दधा॑ति । इ॒मान् । ए॒व ।
लो॒कान् । उप॒धाये॑त्युप – धाय॑ । ए॒षु । 24 (50)

TS 5.5.5.4

लो॒केष्व॑धि॒ प्र॒जा॒य॒ते प्रा॒णाय॑ व्या॒नाया॑पा॒नाय॑ वा॒चे त्वा चक्षु॑षे
त्वा तया॑ दे॒वतया॑ऽङ्गि॒रस्व॑द् ध्रु॒वा सी॑दा॒ग्निना॑ वै दे॒वाः सु॒वर्गं॑
लौ॒कम॑जिगा॒ऽसन् तेन॑ पति॒तुं ना॑शक्नुवन् त ए॒ताश्च॑त॒स्रः
स्वय॑मा॒तृण्णा अप॑श्यन् ता दिक्षू॑पा॒दध॑त तेन॑ सर्व॒तश्चक्षु॑षा सु॒वर्गं॑
लौ॒कमा॑यन् यच्च॒तस्रः॑ स्वय॑मा॒तृण्णा दिक्षू॑प॒दधा॑ति सर्व॒तश्चक्षु॑षै॒व
तद॑ग्निना॒ यज॑मानः () सु॒वर्गं लौ॒कमे॑ति ॥ 25

TS 5.5.5.4 - Padam

लो॒केषु॑ । अधि॑ । प्रेति॑ । जा॒य॒ते । प्रा॒णाय॑ति प्र – अ॒नाय॑ ।
व्या॒नाय॑ति वि – अ॒नाय॑ । अ॒पा॒नाय॑त्यप – अ॒नाय॑ । वा॒चे । त्वा ।
चक्षु॑षे । त्वा । तया॑ । दे॒वतया॑ । अ॒ङ्गि॒रस्व॑त् । ध्रु॒वा । सी॒द ।
अ॒ग्निना॑ । वै । दे॒वाः । सु॒वर्ग॑मि॒ति सु॒वः – ग॒म् । लो॒कम् ।
अ॒जिगा॑ऽसन् । तेन॑ । पति॒तुम् । न । अ॒शक्नु॑वन् । ते । ए॒ताः ।
च॒तस्रः॑ । स्वय॑मा॒तृण्णा इति॑ स्वयं – आ॒तृण्णाः । अप॑श्यन् ।

ताः । दि॒क्षु । उपे॑ति । अ॒द॒ध॒त । ते॒न । स॒र्व॒त॒श्चक्षु॑षेति
स॒र्व॒तः – चक्षु॑षा । सु॒व॒र्ग॒मि॒ति सु॒वः – ग॒म् । लो॒क॒म् । आ॒य॒न् ।
यत् । च॒त॒स्रः । स्व॒य॒मा॒तृ॒ण्णा इति॑ स्व॒यं – आ॒तृ॒ण्णाः । दि॒क्षु ।
उ॒प॒द॒धा॒तीत्यु॑प – द॒धा॒ति । स॒र्व॒त॒श्चक्षु॑षेति स॒र्व॒तः – चक्षु॑षा । ए॒व ।
तत् । अ॒ग्नि॒ना । य॒ज॒मा॒नः () । सु॒व॒र्ग॒मि॒ति सु॒वः – ग॒म् ।

लो॒क॒म् । ए॒ति ॥ 25 (53)

(ब्र॒ह्म॒वा॒दि॒नो – व्य॑न्या – दे॒षु – य॒ज॒मा॒न – स्त्री॑णि च) (A5)

TS 5.5.6.1

अ॒ग्न आ॒ या॒हि वी॒त॒य इ॒त्याहा॒-हू॒तै॒वैन॑-म॒ग्निं दू॒तं वृ॑णीम॒ह इ॒त्याह॑
हू॒त्वै॒वैनं॑ वृ॒णी॒ते ऽग्नि॒नाऽग्निः॑ स॒मि॒द्ध्य॒त इ॒त्याह॑ स॒मि॒न्ध
ए॒वैन॑म॒ग्निर्वृ॒त्राणि॑ ज॒ङ्घ॒न॒दि॒त्याह॑ स॒मि॒द्ध ए॒वास्मि॑न्निन्द्रि॒यं द॒धा॒त्य॒ग्नेः
स्तो॒मं म॒नाम॑ह इ॒त्याह॑ म॒नु॒त ए॒वैन॑मे॒तानि॒ वा अ॒हा॒ रू॒पा॒ण्य- [] 26

TS 5.5.6.1 - Padam

अ॒ग्नै॑ । ए॒ति । या॒हि । वी॒त॒यै॑ । इति॑ । आ॒ह । अ॒ह॒त । ए॒व । ए॒न॒म् ।
अ॒ग्नि॒म् । दू॒त॒म् । वृ॒णी॒म॒हे । इति॑ । आ॒ह । हू॒त्वा । ए॒व । ए॒न॒म् ।

वृ॒णी॒ते । अ॒ग्नि॒ना॑ । अ॒ग्निः॑ । स॒मि॒ति॑ । इ॒द्ध्य॒ते । इ॒ति॑ । आ॒ह॒ ।
स॒मि॒ति॑ । इ॒न्धे॑ । ए॒व । ए॒न॒म् । अ॒ग्निः॑ । वृ॒त्रा॒णि॑ । ज॒ङ्घ॒न॒त् । इ॒ति॑ ।
आ॒ह॒ । स॒मि॒द्ध॒ इति॑ सं – इ॒द्धे॑ । ए॒व । अ॒स्मि॒न् । इ॒न्द्रि॒य॒म् ।
द॒धा॒ति॑ । अ॒ग्नेः॑ । स्तो॒म॒म् । म॒ना॒म॒हे॑ । इ॒ति॑ । आ॒ह॒ । म॒नु॒ते॑ । ए॒व ।
ए॒न॒म् । ए॒ता॒नि॑ । वै । अ॒ह्ना॒म् । रू॒पा॒णि॑ । 26 (50)

TS 5.5.6.2

– न्व॒ह॒मे॒वैनं॑ चि॒नु॒ते ऽवा॒ह्ना॑ रू॒पा॒णि॑ रु॒न्धे ब्र॒ह्म॒वा॒दि॒नो॑ वद॒न्ति॑
क॒स्मा॒त् स॒त्या॒द्या॒तया॑म्नीर॒न्या इ॒ष्ट॒का अ॒या॒तया॑म्नी लो॒कं पृ॒णे॒त्यैन्द्रा॑ग्नी
हि बा॒र्ह॒स्प॒त्ये॒ति ब्रू॒या॒दिन्द्रा॑ग्नी च हि दे॒वा॒नां बृ॒ह॒स्प॒तिश्चा॑–या॒तया॑मानो
ऽनु॒च॒र॒वती॑ भव॒त्यजा॑मित्वा॒या – नु॒ष्टु॒भा॒ऽनु च॑र॒त्या॒त्मा वै लो॒कं पृ॒णा
प्रा॒णो ऽनु॒ष्टुप् तस्मा॑त् प्रा॒णः सर्वा॑ण्य॒ङ्गान्य॑नु च॒रति॑ ता अ॒स्य
सू॒द॒दो॒ह॒स – [] 27

TS 5.5.6.2 - Padam

अ॒न्व॒ह॒मि॒त्य॒नु – अ॒ह॒म् । ए॒व । ए॒न॒म् । चि॒नु॒ते ।
अ॒वे॒ति॑ । अ॒ह्ना॒म् । रू॒पा॒णि॑ । रु॒न्धे॑ । ब्र॒ह्म॒वा॒दि॒न इति॑ ब्र॒ह्म॒वा॒दि॒नः॑ ।

वदन्ति॑ । कस्मात्॑ । सत्यात्॑ । यात॑याम्नीरिति॑ यात॑ – याम्नीः॑ ।
 अन्याः॑ । इष्ट॑काः । अयात॑याम्नीत्ययात॑-याम्नी॑ । लोकं॑पृणेति॑
 लोकं॑ – पृणा॑ । इति॑ । ऐन्द्रा॑ग्नीत्यैन्द्र॑-अग्नी॑ । हि । बार्ह॑स्पत्या ।
 इति॑ । ब्रूयात्॑ । इन्द्रा॑ग्नी इतीन्द्र॑ – अग्नी॑ । च । हि । देवाना॑म् ।
 बृह॑स्पतिः । च । अयात॑यामान॑ इत्ययात॑ – यामानः॑ ।
 अनु॑चरवतीत्यनु॑चर – वती॑ । भवति॑ । अजामित्वा॑येत्यजामि॑-त्वाय॑ ।
 अनु॑ष्टुभेत्यनु॑ – स्तुभा॑ । अन्विति॑ । चरति॑ । आत्मा॑ । वै ।
 लोकं॑पृणेति॑ लोकं॑ – पृणा॑ । प्राण॑ इति॑ प्र – अनः॑ ।
 अनु॑ष्टुबित्यनु॑ – स्तुप् । तस्मात्॑ । प्राण॑ इति॑ प्र – अनः॑ । सर्वा॑णि ।
 अङ्गानि॑ । अन्विति॑ । चरति॑ । ताः । अस्य॑ ।
 सूद॑दोहस॑ इति॑ सूद॑ – दोहसः॑ । 27 (50)

TS 5.5.6.3

इत्या॑ह तस्मात्॑ परु॑षिपरु॑षि रसः॑ सोम॑ श्री॑णन्ति पृ॑श्नय॑ इत्या॑हान्नं॑
 वै पृ॑श्न्यन्नमे॑वाव रु॒न्धेऽर्को॑ वा अ॒ग्निरर्को॑ऽन्नम॑न्नमे॑वाव रु॒न्धे जन्म॑न्
 दे॒वानां॑ वि॒शस्त्रि॑ष्वा रो॒चने॑ दि॒व इत्या॑हेमा॒नेवास्मै॑ लो॒कान्

ज्योति॑ष्मतः करोति॑ यो वा इष्ट॑कानां प्रति॒ष्ठां वे॒द प्रत्ये॒व तिष्ठति॑
तया॑ () दे॒वतया॑ऽङ्गिर॒स्वद् ध्रु॒वा सी॒देत्या॑है॒षा वा इष्ट॑कानां प्रति॒ष्ठा
य ए॒वं वे॒द प्रत्ये॒व तिष्ठति॑ ॥ 28

TS 5.5.6.3 - Padam

इति॑ । आ॒ह । तस्मा॑त् । परु॑षिपरु॑षीति॑ परु॑षि – परु॑षि । रसः॑ ।
सोम॑म् । श्री॑णन्ति । पृ॒श्नयः॑ । इति॑ । आ॒ह । अन्न॑म् । वै । पृ॒श्नि ।
अन्न॑म् । ए॒व । अवे॑ति । रु॒न्धे । अ॒र्कः । वै । अ॒ग्निः । अ॒र्कः ।
अन्न॑म् । अन्न॑म् । ए॒व । अवे॑ति । रु॒न्धे । जन्म॑न् । दे॒वाना॑म् ।
वि॒शः । त्रि॒षु । ए॒ति । रो॒चने॑ । दि॒वः । इति॑ । आ॒ह । इ॒मान् । ए॒व ।
अ॒स्मै । लो॒कान् । ज्योति॑ष्मतः । करो॑ति । यः । वै । इष्ट॑कानाम् ।
प्रति॑ष्ठामिति॑ प्रति – स्था॑म् । वे॒द । प्रती॑ति । ए॒व । तिष्ठ॑ति ।
तया॑ () । दे॒वतया॑ । अ॒ङ्गिर॒स्वत् । ध्रु॒वा । सी॒द । इति॑ । आ॒ह ।
ए॒षा । वै । इष्ट॑कानाम् । प्रति॑ष्ठेति॑ प्रति – स्था॑ । यः । ए॒वम् । वे॒द ।
प्रती॑ति । ए॒व । तिष्ठ॑ति ॥ 28 (66)

(रूपाणि – सूददोहस – स्तया – षोडश च) (A6)

TS 5.5.7.1

सुवर्गाय वा एष लोकाय चीयते यदग्निर्वज्र एकादशिनी
यदग्नावेकादशिनीं मिनुयाद्-वज्रेणै॒नꣳ सुवर्गाल्लोकादन्तर्दध्याद्यन्न
मिनुयात् स्वरुभिः पशून् व्यर्धयेदेकयूपं मिनोति नैनं वज्रेण
सुवर्गाल्लोकादन्तर्दधाति न स्वरुभिः पशून् व्यर्धयति वि वा एष
इन्द्रियेण वीर्येणर्धयते योऽग्निं चिन्व-न्नधिक्रामत्यैन्द्रिय- [] 29

TS 5.5.7.1 - Padam

सुवर्गायेति सुवः – गाय । वै । एषः । लोकाय । चीयते । यत् ।
अग्निः । वज्रः । एकादशिनी । यत् । अग्नौ । एकादशिनीम् ।
मिनुयात् । वज्रेण । एनम् । सुवर्गादिति सुवः – गात् । लोकात् ।
अन्तः । दध्यात् । यत् । न । मिनुयात् । स्वरुभिरिति स्वरु-भिः ।
पशून् । वीति । अर्धयेत् । एकयूपमित्येक – यूपम् । मिनोति ।
न । एनम् । वज्रेण । सुवर्गादिति सुवः – गात् । लोकात् ।
अन्तर्दधातीत्यन्तः – दधाति । न । स्वरुभिरिति स्वरु-भिः । पशून् ।

वी॒ति॑ । अ॒र्ध॒य॒ति॑ । वी॒ति॑ । वै । ए॒षः । इ॒न्द्रि॒ये॒ण॑ । वी॒र्ये॑ण ।
ऋ॒द्ध्य॒ते॑ । यः । अ॒ग्नि॒म् । चि॒न्वन् । अ॒धि॒क्राम॒तीत्य॑धि – क्राम॑ति ।
ऐ॒न्द्रि॒या । 29 (50)

TS 5.5.7.2

–चा॑ ऽऽक्र॒मणं॑ प्र॒ती॒ष्ट॒क्रामु॑प द॒द्ध्यान्ने॒न्द्रि॒ये॒ण॑ वी॒र्ये॑ण व्य॒द्ध्य॒ते
रु॒द्रो वा ए॒ष यद॒ग्निस्त॑स्य ति॒स्रः श॒रव्याः॑ प्र॒ती॒ची॑ ति॒रश्च॒नू॒ची॑ ता॒भ्यो
वा ए॒ष आ वृ॑श्च॒यते॑ योऽग्निं॑ चि॒नुते॑ ऽग्निं॑ चि॒त्वा ति॒सृ॒धन्व॑मया॒चितं॑
ब्रा॒ह्म॒णाय॑ दद्यात् ता॒भ्य ए॒व नम॑स्क्रोत्यथो ता॒भ्य ए॒वाऽऽत्मानं॑
निष्क्री॑णीते॒ यत्ते॑ रु॒द्र पु॒रो – [] 30

TS 5.5.7.2 - Padam

ऋ॒चा । आ॒क्र॒म॒ण॒मि॒त्या॑ – क्र॒म॒ण॒म् । प्र॒ती॒ति॑ । इ॒ष्ट॒क्राम् । उ॒पे॒ति॑ ।
द॒द्ध्य॒ात् । न । इ॒न्द्रि॒ये॒ण॑ । वी॒र्ये॑ण । वी॒ति॑ । ऋ॒द्ध्य॒ते॑ । रु॒द्रः । वै ।
ए॒षः । यत् । अ॒ग्निः । त॒स्य॑ । ति॒स्रः । श॒रव्याः॑ । प्र॒ती॒ची॑ । ति॒रश्ची॑ ।
अ॒नू॒ची॑ । ता॒भ्यः । वै । ए॒षः । ए॒ति॑ । वृ॒श्च॒यते॑ । यः । अ॒ग्नि॒म् ।
चि॒नु॒ते॑ । अ॒ग्नि॒म् । चि॒त्वा । ति॒सृ॒धन्व॑मि॒ति॑ ति॒सृ – ध॒न्व॒म् ।

अ॒या॒चि॒तम् । ब्रा॒ह्म॒णा॒य । द॒द्या॒त् । ता॒भ्यः । ए॒व । नमः॑ । क॒रो॒ति ।
अथो॒ इति॑ । ता॒भ्यः । ए॒व । आ॒त्मा॒नम् । नि॒रि॒ति । क्री॒णी॒ते । यत् ।
ते । रु॒द्र । पु॒रः । 30 (50)

TS 5.5.7.3

ध॒नु॒स्तद्-वा॒तो अ॒नु वा॒तु ते॒ तस्मै॑ ते॒ रु॒द्र सँव॑त्स॒रेण॒ नम॑स्करोमि
य॒त्ते रु॒द्र दक्षि॑णा ध॒नु॒स्तद्-वा॒तो अ॒नु वा॒तु ते॒ तस्मै॑ ते॒ रु॒द्र
प॒रि॒व॒त्स॒रेण॒ नम॑स्करोमि य॒त्ते रु॒द्र प॒श्चा॒द्ध॒नु॒स्तद्-वा॒तो अ॒नु
वा॒तु ते॒ तस्मै॑ ते॒ रु॒द्रे॒दा॒व॒त्स॒रेण॒ नम॑स्करोमि य॒त्ते

रु॒द्रो॒त्त॒रा॒द्ध॒नु॒स्त - [] 31

TS 5.5.7.3 - Padam

ध॒नुः । तत् । वा॒तः । अ॒न्वि॒ति । वा॒तु । ते॒ । तस्मै॑ । ते॒ । रु॒द्र ।
सँव॑त्स॒रेणो॒ति सं - व॒त्स॒रेण॑ । नमः॑ । क॒रो॒मि । यत् । ते॒ । रु॒द्र ।
दक्षि॑णा । ध॒नुः । तत् । वा॒तः । अ॒न्वि॒ति । वा॒तु । ते॒ । तस्मै॑ । ते॒ ।
रु॒द्र । प॒रि॒व॒त्स॒रेणो॒ति प॒रि - व॒त्स॒रेण॑ । नमः॑ । क॒रो॒मि । यत् । ते॒ ।
रु॒द्र । प॒श्चा॒त् । ध॒नुः । तत् । वा॒तः । अ॒न्वि॒ति । वा॒तु । ते॒ । तस्मै॑ ।

ते । रु॒द्र । इ॒दा॒व॒थ्स॒रेण॑ । न॒मः । क॒रो॒मि । यत् । ते । रु॒द्र ।

उ॒त्तरा॑दि॒त्युत् – त॒रात् । ध॒नुः । तत् । 31 (50)

TS 5.5.7.4

द्वा॒तो॒ अनु॑ वा॒तु ते॒ तस्मै॑ ते रु॒द्रे॒दु॒व॒थ्स॒रेण॑ न॒मस्क्रो॑मि य॒त्ते रु॒द्रो॒परि॑
ध॒नुस्तद्-वा॒तो॒ अनु॑ वा॒तु ते॒ तस्मै॑ ते रु॒द्र व॒थ्स॒रेण॑ न॒मस्क्रो॑मि रु॒द्रो
वा ए॒ष य॒द॒ग्निः॑ स॒ यथा॑ व्या॒घ्रः॑ कृ॒द्धस्ति॑ष्ठ॒त्ये॒वं वा॑ ए॒ष ए॒तर्हि॑
सञ्चि॑त॒मे॒तैरु॑प तिष्ठ॒ते न॒मस्का॒रैरे॒वैन॑ श॒मय॑ति ये॒ऽअ॒ग्नयः॑- [] 32

TS 5.5.7.4 - Padam

वा॒तः । अ॒न्वि॒ति । वा॒तु । ते । तस्मै॑ । ते । रु॒द्र ।

इ॒दु॒व॒थ्स॒रेणे॑ती॒दु- व॒थ्स॒रेण॑ । न॒मः । क॒रो॒मि । यत् । ते । रु॒द्र ।

उ॒परि॑ । ध॒नुः । तत् । वा॒तः । अ॒न्वि॒ति । वा॒तु । ते । तस्मै॑ । ते ।

रु॒द्र । व॒थ्स॒रेण॑ । न॒मः । क॒रो॒मि । रु॒द्रः । वै । ए॒षः । यत् । अ॒ग्निः ।

सः । यथा॑ । व्या॒घ्रः । कृ॒द्धः । तिष्ठ॑ति । ए॒वम् । वै । ए॒षः । ए॒तर्हि॑ ।

सञ्चि॑त॒मि॒ति सं – चि॒तम् । ए॒तैः । उ॒पे॒ति । तिष्ठ॑ते । न॒मस्का॒रैरि॑ति

न॒मः-का॒रैः । ए॒व । ए॒नम् । श॒मय॑ति । ये । अ॒ग्नयः॑ । 32 (50)

TS 5.5.7.5

पु॒री॒ष्याः॑ प्र॒वि॒ष्टाः॑ पृ॒थि॒वी॒म॒नु॑ ।

तेषां॑ त्वम॑स्यु॒त्त॒मः॑ प्र॒णो जी॒वा॒त॒वे॑ सु॒व ॥

आपं॑ त्वा॒ग्ने॒ मन॒सा ऽऽपं॑ त्वा॒ग्ने॒ तप॒सा ऽऽपं॑ त्वा॒ग्ने॒ दी॒क्ष॒या

ऽऽपं॑ त्वा॒ग्ने॒ उप॒स॒द्भि॒रापं॑ त्वा॒ग्ने॒ सु॒त्य॒या ऽऽपं॑ त्वा॒ग्ने॒ दक्षि॑णा॒भि॒रापं॑

त्वा॒ग्ने॒ अव॑भृ॒थेनापं॑ त्वा॒ग्ने॒ व॒श॒या ऽऽपं॑ त्वा॒ग्ने॒ स्व॒गा॒का॒रे॒णे॒त्या॒है

() षा वा अ॒ग्ने॒रा॒प्ति॒स्त॒यै॒वैन॑मा॒प्नो॒ति ॥ 33

TS 5.5.7.5 - Padam

पु॒री॒ष्याः॑ । प्र॒वि॒ष्टा इति॑ प्र – वि॒ष्टाः॑ । पृ॒थि॒वी॒म् । अ॒नु ॥ ते॒षाम्॑ ।

त्वम् । अ॒सि॒ । उ॒त्त॒म इत्यु॑त् – त॒मः॑ । प्रेति॑ । नः॑ । जी॒वा॒त॒वे॑ ।

सु॒व ॥ आ॒पम् । त्वा॒ । अ॒ग्ने॒ । मन॒सा । आ॒पम् । त्वा॒ । अ॒ग्ने॒ ।

तप॒सा । आ॒पम् । त्वा॒ । अ॒ग्ने॒ । दी॒क्ष॒या । आ॒पम् । त्वा॒ । अ॒ग्ने॒ ।

उ॒प॒स॒द्भि॒रित्यु॑प॒सत् – भिः॑ । आ॒पम् । त्वा॒ । अ॒ग्ने॒ । सु॒त्य॒या ।

आ॒पम् । त्वा॒ । अ॒ग्ने॒ । दक्षि॑णा॒भिः॑ । आ॒पम् । त्वा॒ । अ॒ग्ने॒ ।

अ॒व॒भृ॒थेने॑त्य॒व – भृ॒थेन॑ । आ॒पम् । त्वा॒ । अ॒ग्ने॒ । व॒श॒या । आ॒पम् ।

त्वा । अग्ने । स्वगा॑कारेणेति॑ स्वगा – कारेण॑ । इति॑ ।

आह॑ () । एषा॑ । वै । अग्नेः॑ । आप्तिः॑ । तया॑ । ए॒व । ए॒नम् ।

आ॒प्नोति॑ ॥ 33 (58)

(ऐन्द्रि॑या – पु॒र – उत्तरा॑द्धनुस्त– द॒ग्नय॑ – आ॒हा – षौ च॑) (A7)

TS 5.5.8.1

गा॒यत्रेण॑ पु॒रस्ता॑दुप॑ तिष्ठते प्रा॒णमे॒वास्मिन्॑ दधाति बृहद्-रथ॑न्तरा॒भ्यां॑
प॒क्षावो॑ज ए॒वास्मिन्॑ दधात्यृ॒तुस्था॑यज्ञा-य॒ज्ञिये॑न पु॒च्छमृ॑तुष्वे॒व प्रति॑
तिष्ठति॑ पृ॒ष्ठैरु॑प॒ तिष्ठते॑ तेजो॒ वै पृ॒ष्ठानि॑ तेज ए॒वास्मिन्॑ दधाति
प्र॒जाप॑तिर॒ग्निम॑सृजत॒ सोऽस्मा॑त् सृष्टः॑ प॒राडै॑त् तं वा॒रव॑न्तीये॒ना-
वा॒रय॑त तद्-वा॒रव॑न्तीयस्य॒ वार॑वन्तीयत्व॒ इयै॑तेन॒ इये॑ती अ॒कुरु॑त
तच्छ॑यै॒तस्य॑ इयै॒तत्त्वं – [] 34

TS 5.5.8.1 - Padam

गा॒यत्रेण॑ । पु॒रस्ता॑त् । उपेति॑ । तिष्ठते॑ । प्रा॒णमि॑ति प्र – अ॒नम् । ए॒व ।
अ॒स्मिन् । द॒धाति॑ । बृहद्-रथ॑न्तरा॒भ्यामि॑ति बृहत् – रथ॑न्तरा॒भ्याम् ।
प॒क्षौ । ओजः॑ । ए॒व । अ॒स्मिन् । द॒धाति॑ । ऋ॒तुस्था॑यज्ञाय॒ज्ञिये॑न ।

पुच्छ॑म् । ऋ॒तुषु॑ । ए॒व । प्र॒तीति॑ । ति॒ष्ठति॑ । पृ॒ष्ठैः । उपे॑ति । ति॒ष्ठते॑ ।
 तेजः॑ । वै । पृ॒ष्ठानि॑ । तेजः॑ । ए॒व । अ॒स्मिन् । द॒धाति॑ ।
 प्र॒जाप॑तिरिति प्र॒जा – प॒तिः । अ॒ग्निम् । अ॒सृज॑त । सः । अ॒स्मात् ।
 सृष्टः॑ । प॒राङ् । ऐ॒त् । तम् । वा॒रव॑न्तीयेनेति वा॒र – व॑न्तीयेन ।
 अ॒वा॒रय॑त । तत् । वा॒रव॑न्तीयस्येति वा॒र – व॑न्तीयस्य ।
 वा॒रव॑न्तीयत्वमिति वा॒रव॑न्तीय – त्वम् । श्यै॑तेन । श्ये॒ती । अ॒कुरु॑त ।
 तत् । श्यै॑तस्य । श्यै॑तत्वमिति श्यै॑त – त्वम् । 34 (50)

TS 5.5.8.2

यद्-वा॒रव॑न्तीयेनोपतिष्ठते वा॒रय॑त ऐ॒वैन॑ श्यै॑तेन श्ये॒ती कु॑रुते
 प्र॒जाप॑तेर्हृदयेना-पिपक्षं प्रत्युप तिष्ठते प्रेमाणमेवास्य गच्छति
 प्रा॒च्या॑ त्वा दि॒शा सा॑दयामि गायत्रेण छन्दसाऽग्निना देवतयाऽग्नेः
 शी॒ष्णाग्नेः॑ शि॒र उप॑ दधामि दक्षिणया त्वा दि॒शा सा॑दयामि
 त्रैष्टु॑भेन छन्दसेन्द्रेण देवतयाऽग्नेः पक्षेणाग्नेः पक्षमुप दधामि
 प्र॒तीच्या॑ त्वा दि॒शा सा॑दयामि – [] 35

TS 5.5.8.2 - Padam

यत् । वारवन्तीयेनेति वार – वन्तीयेन । उपतिष्ठत इत्युप – तिष्ठते ।
वारयते । एव । एनम् । श्यैतेन । श्येती । कुरुते । प्रजापतेर्हृदयेन ।
अपिपक्षमित्यपि – पक्षम् । प्रति । उपेति । तिष्ठते । प्रेमाणम् । एव ।
अस्य । गच्छति । प्राच्या । त्वा । दिशा । सादयामि । गायत्रेण ।
छन्दसा । अग्निना । देवतया । अग्नेः । शीर्ष्णा । अग्नेः । शिरः ।
उपेति । दधामि । दक्षिणया । त्वा । दिशा । सादयामि । त्रैष्टुभेन ।
छन्दसा । इन्द्रेण । देवतया । अग्नेः । पक्षेण । अग्नेः । पक्षम् ।
उपेति । दधामि । प्रतीच्या । त्वा । दिशा । सादयामि । 35 (50)

TS 5.5.8.3

जागतेन छन्दसा सवित्रा देवतयाऽग्नेः पुच्छेनाग्नेः पुच्छमुप
दधाम्युदीच्या त्वा दिशा सादयाम्यानुष्टुभेन छन्दसा मित्रावरुणाभ्यां
देवतयाऽग्नेः पक्षेणाग्नेः पक्षमुप दधाम्यूर्ध्वया त्वा दिशा सादयामि
पाङ्केन छन्दसा बृहस्पतिना देवतयाऽग्नेः पृष्ठेनाग्नेः पृष्ठमुप दधामि
योऽवा अपात्मानमग्निं चिनुतेऽपात्माऽमुष्मिन् लोके भवति यः

सा॒त्मा॒नं॑ चि॒नु॒ते () सा॒त्मा॒ऽमु॒ष्मिन्॑ लो॒के भव॑त्या॒त्मेष्ट॒का उप॑
दधा॒त्येष॑ वा अ॒ग्नेरा॒त्मा सा॒त्मान॑मे॒वाग्निं॑ चि॒नु॒ते सा॒त्मा॒ऽमु॒ष्मिन्
लो॒के भव॑ति य ए॒वं वैद॑ ॥ 36

TS 5.5.8.3 - Padam

जा॒गते॑न । छ॒न्द॒सा । स॒वि॒त्रा । दे॒वत॑या । अ॒ग्नेः । पु॒च्छे॑न । अ॒ग्नेः ।
पु॒च्छ॑म् ॥ उपे॑ति । द॒धा॒मि । उ॒दी॒च्या । त्वा । दि॒शा । सा॒दया॑मि ।
आ॒नु॒ष्टु॒भेने॑त्या॒नु – स्तु॒भेन॑ । छ॒न्द॒सा ।
मि॒त्राव॑रु॒णाभ्या॑मि॒ति मि॒त्रा-व॑रु॒णाभ्या॑म् । दे॒वत॑या । अ॒ग्नेः । प॒क्षे॑ण ।
अ॒ग्नेः । प॒क्ष॑म् । उपे॑ति । द॒धा॒मि । ऊ॒र्ध्व॒या ॥ त्वा । दि॒शा ।
सा॒दया॑मि । पा॒ङ्के॑न । छ॒न्द॒सा । बृ॒ह॒स्प॒ति॒ना । दे॒वत॑या । अ॒ग्नेः ।
पृ॒ष्ठे॑न । अ॒ग्नेः । पृ॒ष्ठ॑म् । उपे॑ति । द॒धा॒मि । यः । वै ।
अ॒पा॒त्मा॒नमि॑त्य॒प-आ॒त्मा॒नम् । अ॒ग्नि॑म् । चि॒नु॒ते ।
अ॒पा॒त्मेत्य॑प – आ॒त्मा । अ॒मु॒ष्मिन् । लो॒के । भव॑ति । यः ।
सा॒त्मा॒नमि॑ति स – आ॒त्मा॒नम् । चि॒नु॒ते () । सा॒त्मेति॑ स-आ॒त्मा ।

अमुष्मिन् । लोके । भवति । आत्मेष्टका इत्यात्म-इष्टकाः । उपेति ।
दधाति । एषः । वै । अग्नेः । आत्मा । सात्मानमिति स-आत्मानम् ।
एव । अग्निम् । चिनुते । सात्मेति स - आत्मा । अमुष्मिन् ।
लोके । भवति । यः । एवम् । वेद ॥ 36 (72)

(इयैतत्त्वं - प्रतीच्या त्वा दिशा सादयामि - यः सात्मानं चिनुते -
द्वाविंशतिश्च) (A8)

TS 5.5.9.1

अग्न उदधे या त इषुर्युवा नाम तया नो मृड तस्यास्ते नमस्तस्यास्त
उप जीवन्तो भूयास्माग्ने दुद्ध गह्य किञ्शिल वन्य या त इषुर्युवा
नाम तया नो मृड तस्यास्ते नमस्तस्यास्त उप जीवन्तो भूयास्म
पञ्च वा एतेऽग्नयो यच्चितय उदधिरेव नाम प्रथमो दुद्धो- [] 37

TS 5.5.9.1 - Padam

अग्ने । उदध इत्युद - धे । या । ते । इषुः । युवा । नाम । तया ।
नः । मृड । तस्याः । ते । नमः । तस्याः । ते । उपेति । जीवन्तः ।
भूयास्म । अग्ने । दुद्ध । गह्य । किञ्शिल । वन्य । या । ते ।

इ॒षुः । यु॒वा । ना॒म । तया॑ । नः । मृ॒ड । तस्याः॑ । ते । नमः॑ ।
तस्याः॑ । ते । उपे॑ति । जी॒वन्तः । भू॒यास्म । पञ्च॑ । वै । ए॒ते ।
अ॒ग्नयः॑ । यत् । चि॒तयः॑ । उ॒दधि॑रित्यु॒द – धिः । ए॒व । ना॒म ।

प्र॒थमः । दु॒ध्रः । 37 (50)

TS 5.5.9.2

द्वि॒तीयो ग॒ह्यस्तृ॑तीयः॑ कि॒ञ्शिल॑श्चतु॒र्थो व॒न्यः पञ्च॑मस्तेभ्यो
यदाहु॑तीर्न जुहु॒याद॑ध्व॒र्यु च॑ यज॒मानं च॑ प्र द॒हेयु॑र्यदे॒ता
आहु॑तीर्जु॒होति॑ भा॒गधे॑येनै॒वैनाञ्छ॑मयति॒ नाऽऽ*ति॑माच्छत्य॒ध्वर्यु॑र्न
यज॑मानो वा॒ङ्म आ॒सन् न॒सोः प्रा॒णोऽक्ष्यो॑श्चक्षुः॒ कर्ण॑योः श्रो॒त्रं
बाहु॑वोर्ब॒ल-मू॒रुवो॑रोजोऽरि॒ष्टा वि॒श्वान्य॑ङ्गानि॒ तनू॑- [] 38

TS 5.5.9.2 - Padam

द्वि॒तीयः । ग॒ह्यः । तृ॒तीयः । कि॒ञ्शिलः॑ । चतु॒र्थः । व॒न्यः ।
पञ्च॑मः । तेभ्यः॑ । यत् । आहु॑तीरित्या – हु॒तीः । न । जुहु॑यात् ।
अ॒ध्व॒र्युम् । च॑ । यज॑मानम् । च॑ । प्रेति॑ । द॒हेयुः॑ । यत् । ए॒ताः ।
आहु॑तीरित्या – हु॒तीः । जु॒होति॑ । भा॒गधे॑येनेति॒ भाग॑-धेयेन । ए॒व ।

ए॒नान् । श॒म॒य॒ति॒ । न । आ॒र्ति॒म् । ए॒ति॒ । ऋ॒च्छ॒ति॒ । अ॒ध्व॒र्युः॑ । न ।
य॒ज॒मा॒नः॑ । वाक् । मे॒ । आ॒सन् । न॒सोः॑ । प्रा॒ण इति॑ प्र – अ॒नः॑ ।
अ॒क्ष्योः॑ । चक्षुः॑ । क॒र्ण॒योः॑ । श्रो॒त्रम् । बा॒हु॒वोः॑ । ब॒लम् । ऊ॒रु॒वोः॑ ।
ओ॒जः॑ । अ॒रि॒ष्टा । वि॒श्वा॒नि॒ । अ॒ङ्गा॒नि॒ । त॒नूः॑ । 38 (50)

TS 5.5.9.3

–स्त॒नु॒वा॒ मे॒ सह॑ नम॒स्ते॒ अस्तु॑ मा॒ मा॒ हि॒॒सी॒र॒प॒ वा॒ ए॒तस्मा॑त्
प्रा॒णाः॑ क्रा॒म॒न्ति॒ यो॒ऽग्निं॑ चि॒न्व॒न्न॒धि॒ क्रा॒म॒ति॒ वाङ्॑ आ॒सन् न॒सोः॑
प्रा॒ण इ॒त्या॒ह॒ प्रा॒णा॒ने॒वा*ऽऽ॒त्मन्॑ ध॒त्ते॒ यो॒ रु॒द्रो॒ अ॒ग्नौ॒ यो॒ अ॒प्सु
य॒ ओष॑धीषु॒ यो॒ रु॒द्रो॒ वि॒श्वा॒ भु॒व॒नाऽऽ॒वि॒वेश॑ तस्मै॒ रु॒द्राय॑ नमो॑
अ॒स्त्वा॒हु॒ति॒भा॒गा॒ वा॒ अ॒न्ये॒ रु॒द्रा॒ ह॒वि॒र्भा॒गा – [] 39

TS 5.5.9.3 - Padam

त॒नु॒वा॒ मे॒ सह॑ नमः॑ । ते॒ । अस्तु॑ । मा॒ मा॒ हि॒॒सीः॑ ।
अ॒पे॒ति॒ । वै॒ । ए॒तस्मा॑त् । प्रा॒णा इति॑ प्र – अ॒नाः॑ । क्रा॒म॒न्ति॒ । यः॑ ।
अ॒ग्नि॒म् । चि॒न्व॒न् । अ॒धि॒क्रा॒म॒ती॒त्य॒धि॒ – क्रा॒म॒ति॒ । वाक् । मे॒ ।

आ॒सन् । न॒सोः । प्रा॒ण इति॑ प्र – अ॒नः । इति॑ । आ॒ह । प्रा॒णानिति॑
प्र – अ॒नान् । ए॒व । आ॒त्मन् । ध॒त्ते । यः । रु॒द्रः । अ॒ग्नौ । यः ।
अ॒प्सि॒स्वत्यप् – सु । यः । ओष॑धीषु । यः । रु॒द्रः । वि॒श्वा॑ ॥ भु॒वना॑ ।
आ॒वि॒वेशे॒त्या॑ ॥ – वि॒वेश॑ । तस्मै॑ ॥ रु॒द्राय॑ । नमः॑ । अ॒स्तु ।
आ॒हु॒तिभा॒गा इत्या॑हुति – भा॒गाः । वै । अ॒न्ये । रु॒द्राः ।
ह॒वि॒र्भा॒गा इति॑ ह॒विः – भा॒गाः । 39 (50)

TS 5.5.9.4

अ॒न्ये श॑त॒रु॒द्रीय॑ ॥ हु॒त्वा गा॑वी॒धुकं॑ च॒रुमे॒तेन॑ य॒जुषा॑ च॒रमा॑यामि॒ष्टका॑यां
नि द॑द्ध्य॒द्-भा॒गधे॑र्ये॒नैवैन॑ ॥ श॒मय॑ति तस्य त्वै श॑त॒रु॒द्रीय॑ ॥
हु॒तमि॒त्याहु॑र्यस्यै॒तद॒ग्नौ क्रि॒यत॑ इति॑ वस॒वस्त्वा रु॒द्रैः पु॒रस्ता॑त् पा॒न्तु
पि॒तर॑स्त्वा य॒मरा॑जानः पि॒तृभि॑र्दक्षि॒णतः॑ ॥ पा॒न्त्वादित्या॑स्त्वा वि॒श्वैर्दे॑वैः
प॒श्चात् पा॑न्तु द्यु॒तान॑स्त्वा मा॒रुतो॑ म॒रुद्भि॑रु॒त्तर॑तः पा॒तु – [] 40

TS 5.5.9.4 - Padam

अ॒न्ये । श॑त॒रु॒द्रीय॑मिति॑ श॒त – रु॒द्रीय॑म् । हु॒त्वा । गा॑वी॒धुकम् ।
च॒रुम् । ए॒तेन॑ । य॒जुषा॑ । च॒रमा॑याम् । इ॒ष्टका॑याम् । नी॒ति । द॑द्ध्य॒त् ।

भा॒ग॒धे॒ये॒ने॒ति॑ भा॒ग – धे॒ये॒न॑ । ए॒व । ए॒न॒म् । श॒म॒य॒ति॑ । त॒स्य॑ । तु ।
 वै । श॒त॒रु॒द्री॒य॒मि॒ति॑ श॒त – रु॒द्री॒य॒म् । हु॒त॒म् । इ॒ति॑ । आ॒हुः ।
 य॒स्य॑ । ए॒तत् । अ॒ग्नौ॑ । क्रि॒यते॑ । इ॒ति॑ । व॒स॒वः॑ । त्वा । रु॒द्रैः॑ ।
 पु॒र॒स्तात् । पा॒न्तु॑ । पि॒तरः॑ । त्वा । य॒म॒रा॒जा॒न॒ इति॑ य॒म – रा॒जा॒नः॑ ।
 पि॒तृ॒भि॒रि॒ति॑ पि॒तृ – भिः॑ । द॒क्षि॒ण॒तः॑ । पा॒न्तु॑ । आ॒दि॒त्याः॑ । त्वा ।
 वि॒श्वैः॑ । दे॒वैः॑ । प॒श्चात् । पा॒न्तु॑ । द्यु॒ता॒नः॑ । त्वा । मा॒रु॒तः॑ ।
 म॒रु॒द्भि॒रि॒ति॑ म॒रुत् – भिः॑ । उ॒त्त॒र॒त॒ इत्यु॑त् – त॒र॒तः॑ । पा॒तु॑ । 40 (50)

TS 5.5.9.5

दे॒वा॒स्त्वे॒न्द्र॒ज्ये॒ष्ठा॑ व॒रु॒ण॒रा॒जा॒नो॑ ऽध॒स्ता॒च्चो॒-प॒रि॒ष्ठा॒च्च॑ पा॒न्तु॑
 न॒ वा ए॒ते॒न॑ पू॒तो न॑ मे॒द्ध्यो॑ न प्रो॒क्षि॒तो य॒दे॒न॒म॒तः॑ प्रा॒ची॒नं प्रो॒क्ष॒ति॑
 य॒थ् संचि॑त॒मा॒ज्ये॒न प्रो॒क्ष॒ति॑ ते॒न पू॒त॒स्ते॒न मे॒द्ध्य॒स्ते॒न प्रो॒क्षि॒तः॑ ॥ 41

TS 5.5.9.5 - Padam

दे॒वाः॑ । त्वा । इ॒न्द्र॒ज्ये॒ष्ठा इ॒तीन्द्र॑ – ज्ये॒ष्ठाः॑ । व॒रु॒ण॒रा॒जा॒न॒ इति॑
 व॒रु॒ण – रा॒जा॒नः॑ । अ॒ध॒स्तात् । च । उ॒प॒रि॒ष्ठात् । च । पा॒न्तु॑ । न ।
 वै । ए॒ते॒न॑ । पू॒तः॑ । न । मे॒द्ध्यः॑ । न । प्रो॒क्षि॒त इति॑ प्र – उ॒क्षि॒तः॑ ।

यत् । ए॒नम् । अ॒तः । प्रा॒ची॒नम् । प्रो॒क्ष॒तीति॑ प्र – उ॒क्ष॒ति । यथ् ।
सञ्चि॑तमि॒ति सं – चि॒तम् । आ॒ज्ये॒न । प्रो॒क्ष॒तीति॑ प्र – उ॒क्ष॒ति ।
तेन॑ । पू॒तः । तेन॑ । मे॒द्ध्यः । तेन॑ ।

प्रो॒क्षि॒त इति॑ प्र-उ॒क्षि॒तः ॥ 41 (32)

(दु॒ध्र – स्त॒नू – ह॒विर्भा॑गाः – पा॒तु – द्वा॒त्रिं॑शच्च) (A9)

TS 5.5.10.1

स॒मी॒ची॒ नामा॑सि प्रा॒ची॒ दि॒क्त॒स्यास्ते॑ ऽग्नि॒रधि॑पति र॒सि॒तो र॒क्षि॒ता
यश्चा॑धिपति र्यश्च गो॒प्ता ता॒भ्यां न॒मस्तौ॑नो मृ॒डय॑तां ते यं द्वि॒ष्मो यश्च
नो द्वेष्टि॑ तं वां जं॒भे द॒धाम्यो॑ज॒स्विनी॑ नामा॑सि दक्षि॒णा दिक् तस्या॑स्त
इन्द्रो॑ऽधिपतिः पृ॒दाकुः॑ प्रा॒ची॒ नामा॑सि प्र॒ती॒ची दिक्
तस्या॑स्ते – [] 42

TS 5.5.10.1 - Padam

स॒मी॒ची॒ । नाम॑ । अ॒सि । प्रा॒ची॒ । दिक् । तस्याः॑ । ते । अ॒ग्निः ।
अधि॑पतिरित्यधि – पतिः । अ॒सि॒तः । र॒क्षि॒ता । यः । च ।
अधि॑पतिरित्यधि-पतिः । यः । च । गो॒प्ता । ता॒भ्याम् । नमः॑ । तौ ।

नः । मृ॒ड॒य॒ताम् । ते । यम् । द्वि॒ष्मः । यः । च । नः । द्वेष्टि॑ । तम् ।
वाम् । जम्भे॑ । द॒धामि॑ । ओ॒ज॒स्विनी॑ । नाम॑ । अ॒सि । दक्षि॑णा ।
दिक् । तस्याः॑ । ते । इन्द्रः॑ । अधि॑पतिरित्यधि॑ – पतिः॑ । पृ॒दा॒कुः ।
प्राची॑ । नाम॑ । अ॒सि । प्र॒तीची॑ । दिक् । तस्याः॑ । ते । 42 (50)

TS 5.5.10.2

सोमो॑ऽधि॒पतिः॑ स्व॒जो ऽव॒स्थावा॒ नामा॒-स्यु॒दीची॑ दिक् तस्या॑स्ते
वरु॑णो॒ऽधि॒पति॑-स्ति॒रश्च॑ रा॒जि-रधि॑प॒त्नी नामा॑सि बृ॒हती॑ दिक् तस्या॑स्ते
बृ॒हस्प॑ति-रधि॑पतिः श्वि॒त्रो व॒शिनी॑ नामा॑सीयं दिक् तस्या॑स्ते
यमो॑ऽधि॒पतिः॑ क॒ल्माष॑ ग्री॒वो रक्षि॑ता यश्चाधि॑पति॒र्यश्च॑ गो॒प्ता ताभ्यां॑
नम॑स्तौ नो मृ॒ड॒य॒तां ते यं द्वि॒ष्मो यश्च॑ – [] 43

TS 5.5.10.2 - Padam

सोमः॑ । अधि॑पतिरित्यधि॑ – पतिः॑ । स्व॒ज इति॑ स्व – जः ।
अ॒व॒स्था॒वेत्य॑व – स्था॒वा । नाम॑ । अ॒सि । उ॒दीची॑ । दिक् । तस्याः॑ ।
ते । वरु॑णः । अधि॑पतिरित्यधि॑-पतिः॑ । ति॒रश्च॑रा॒जिरिति॑ ति॒रश्च॑-रा॒जिः ।
अधि॑प॒त्नीत्यधि॑-प॒त्नी । नाम॑ । अ॒सि । बृ॒हती॑ । दिक् । तस्याः॑ । ते ।

बृ॒ह॒स्प॒तिः॑ । अ॒धि॒प॒ति॒रि॒त्य॒धि॑ – प॒तिः॑ । श्वि॒त्रः॑ । व॒शि॒नी॑ । ना॒म॑ ।
अ॒सि॑ । इ॒यं॑ । दिक् । तस्याः॑ । ते॒ । य॒मः॑ । अ॒धि॒प॒ति॒रि॒त्य॒धि॑-प॒तिः॑ ।
क॒ल्मा॑ष॒ग्री॒व इति॑ क॒ल्मा॑ष – ग्री॒वः॑ । र॒क्षि॒ता॑ । यः॑ । च॒ ।
अ॒धि॒प॒ति॒रि॒त्य॒धि॑-प॒तिः॑ । यः॑ । च॒ । गो॒प्ता॑ । ता॒भ्याम्॑ । न॒मः॑ । तौ॑ ।
नः॑ । मृ॒ड॒य॒ताम्॑ । ते॒ । य॒म् । द्वि॒ष्मः॑ । यः॑ । च॒ । 43 (50)

TS 5.5.10.3

नो॒ द्वेष्टि॑ तं॒ वां॑ ज॒म्भे॑ द॒धाम्ये॑ता॒ वै दे॒वता॑ अ॒ग्निं चि॒त॒ र॒क्षन्ति॑
ता॒भ्यो यदा॑हु॒तीर्न॑ जु॒हुया॑द॒ध्व॒र्युं च॒ यज॑मानं च॒ ध्या॒येयु॑र्यदे॒ता
आ॒हुती॑र्जु॒होति॑ भा॒ग॒धे॒येनै॑-वैनाञ्छ॒मय॑ति॒ नाऽऽ*ति॑माच्छ॒त्यद॑ध्व॒र्युर्न॑
यज॑मानो हे॒तयो॑ ना॒म स्थ॒ तेषां॑ वः॒ पुरो॑ गृ॒हा अ॒ग्निर्व॑ इ॒षवः॑
स॒लि॒लो नि॒लिं॒पा ना॒म – [] 44

TS 5.5.10.3 - Padam

नः॑ । द्वेष्टि॑ । तम् । वा॒म् । ज॒म्भे॑ । द॒धामि॑ । ए॒ताः॑ । वै॒ । दे॒वताः॑ ।
अ॒ग्निम् । चि॒तम् । र॒क्षन्ति॑ । ता॒भ्यः॑ । यत् । आ॒हुती॑रि॒त्या – हु॒तीः॑ ।
न । जु॒हुया॑त् । अ॒ध्व॒र्युम् । च॒ । यज॑मानम् । च॒ । ध्या॒येयुः॑ । यत् ।

ए॒ताः । आ॒हु॒ती॒रि॒त्या – हु॒तीः । जु॒हो॒ति । भा॒ग॒धे॒ये॒ने॒ति भा॒ग॒-धे॒ये॒न ।
ए॒व । ए॒ना॒न् । श॒म॒य॒ति । न । आ॒र्ति॒म् । ए॒ति । ऋ॒च्छ॒ति । अ॒ध्व॒र्युः ।
न । य॒ज॒मा॒नः । हे॒त॒यः । ना॒म । स्थ॒ । तेषा॑म् । वः । पु॒रः । गृ॒हाः ।
अ॒ग्निः । वः । इ॒ष॒वः । स॒लि॒लः । नि॒लि॒ं॒पा इति॑ नि॒-लि॒ं॒पाः । ना॒म । 44 (50)

TS 5.5.10.4

स्थ॒ तेषा॑म् । वः । दक्षि॑णा गृ॒हाः पि॒तरो॑ व इ॒ष॒वः स॒गरो॑ व॒ज्रि॒णो ना॑म स्थ॒
तेषा॑म् । वः । प॒श्चाद् गृ॒हाः स्व॒प्नो व इ॒ष॒वो ग॒ह्वरो॑ ऽव॒स्थावा॑नो ना॑म स्थ॒
तेषा॑म् । वः । उ॒त्तरा॑द् गृ॒हा आ॒पो व इ॒ष॒वः स॒मु॒द्रो-ऽधि॑प॒तयो॑ ना॑म स्थ॒
तेषा॑म् । वः । उ॒परि॑ गृ॒हा व॒र्षं व इ॒ष॒वो ऽव॒स्वान् क्र॒व्या ना॑म स्थ॒
पा॒र्त्थि॒वा-स्तेषा॑म् । वः । इ॒ह गृ॒हा- [] 45

TS 5.5.10.4 - Padam

स्थ॒ । तेषा॑म् । वः । दक्षि॑णा । गृ॒हाः । पि॒तरः॑ । वः । इ॒ष॒वः ।
स॒गरः । व॒ज्रि॒णः । ना॑म । स्थ॒ । तेषा॑म् । वः । प॒श्चात् । गृ॒हाः ।
स्व॒प्नः । वः । इ॒ष॒वः । ग॒ह्वरः॑ । अ॒व॒स्थावा॑न इत्य॒व – स्था॑वानः ।
ना॑म । स्थ॒ । तेषा॑म् । वः । उ॒त्तरा॑दित्युत् – त॒रात् । गृ॒हाः । आ॒पः ।

वः । इ॒षवः । स॒मु॒द्रः । अ॒धि॒प॒तय॑ इ॒त्यधि॑ – प॒तयः । ना॒म । स्थ ।
तेषा॑म् । वः । उ॒परि॑ । गृ॒हाः । व॒र्ष॒म् । वः । इ॒षवः । अ॒व॒स्वान् ।
क्र॒व्याः । ना॒म । स्थ । पा॒र्था॒वाः । तेषा॑म् । वः । इ॒ह ।

गृ॒हाः । 45 (50)

TS 5.5.10.5

अ॒न्नं वँ इ॒षवो॑ ऽनि॒मि॒षो वा॑त॒नामं॑ ते॒भ्यो वो॑ न॒मस्ते॑ नो॒ मृ॒डय॑त
ते यं द्वि॒ष्मो यश्च॑ नो॒ द्वेष्टि॑ तं वँ ज॒म्भे॑ द॒धामि॑ हु॒तादो॑ वा अ॒न्ये दे॒वा
अ॒हु॒तादो॑ऽन्ये ता॒न॒ग्नि॒चि॒दे॒वोभ्या॑न् प्री॒णाति॑ द॒ध्ना म॑धु॒मिश्रे॑णै॒ता
आ॒हु॒तीर्जु॑होति भा॒ग॒धे॒येनै॒वैनान्॑ प्री॒णात्य॑थो ख॒ल्वाहु॑रिष्ट॒का वै दे॒वा
अ॒हु॒ताद॑ इ॒त्य – [] 46

TS 5.5.10.5 - Padam

अ॒न्नम् । वः । इ॒षवः । नि॒मि॒ष इति॑ नि – मि॒षः । वा॒त॒ना॒म॒मि॒ति
वा॒त – ना॒मम् । ते॒भ्यः । वः । न॒मः । ते । नः । मृ॒डय॑त । ते । यम् ।
द्वि॒ष्मः । यः । च । नः । द्वेष्टि॑ । तम् । वः । ज॒म्भे॑ । द॒धामि॑ । हु॒ताद॑
इति॑ हु॒त – अ॒दः । वै । अ॒न्ये । दे॒वाः । अ॒हु॒ताद॑ इ॒त्यहु॑त – अ॒दः ।

अ॒न्ये । तान् । अ॒ग्नि॒चि॒दि॒त्य॒ग्नि॑ – चि॒त् । ए॒व । उ॒भया॑न् । प्री॒णा॒ति॒ ।
द॒ध्ना । म॒धु॒मि॒श्रे॒णे॒ति॑ म॒धु – मि॒श्रे॒ण॑ । ए॒ताः । आ॒हु॒ती॒रि॒त्या॒हु॒तीः॑ ।
जु॒हो॒ति॒ । भा॒ग॒धे॒ये॒ने॒ति॑ भा॒ग – धे॒ये॒न॑ । ए॒व । ए॒ना॒न् । प्री॒णा॒ति॒ ।
अथो॒ इति॑ । ख॒लु । आ॒हुः । इ॒ष्ट॒काः । वै । दे॒वाः ।

अ॒हु॒ता॒द॒ इत्य॑हु॒त – अ॒दः । इति॑ । 46 (50)

TS 5.5.10.6

–नु॒परि॒क्रामं॑ जु॒हो॒त्य॒परि॒वर्ग॑मे॒वैनान्॑ प्री॒णा॒ती॒म॒ स्तन॑मूर्ज॒स्वन्तं॑
धया॒पां प्र॒प्या॒तम॑ग्ने॒ सरि॑रस्य॒ मद्ध्ये॑ ।

उ॒थ्सं जु॒षस्व॑ म॒धु॒मन्त॑मूर्व॒ समु॒द्रि॒य॒ स॒दन॑मा॒ विश॑स्व ॥

यो वा अ॒ग्निं प्र॒यु॒ज्य न वि॒मुञ्च॑ति॒ यथा॑ऽश्नो॒ यु॒क्तो॑ऽवि॒मुच्य॑मानः

क्षु॒द्ध्यन्॑ प॒रा॒भ॒वत्ये॒वम॑स्या॒ग्निः प॒रा भ॑वति॒ तं प॒रा॒भ॒वन्तं॑ य॒जमा॑नोऽनु॒

प॒रा भ॑वति॒ सोऽग्निं॑ चि॒त्वा लू॒क्षो– [] 47

TS 5.5.10.6 - Padam

अनु॒परि॒क्राम॑मित्यनु॒ – परि॒क्राम॑म् । जु॒हो॒ति॒ ।

अ॒परि॒वर्ग॑मित्यपरि॒ – वर्ग॑म् । ए॒व । ए॒ना॒न् । प्री॒णा॒ति॒ । इ॒मम् ।

स्तनम् । ऊर्जस्वन्तम् । धय । अपाम् । प्रप्यातमिति प्र-प्यातम् ।
 अग्ने । सरिरस्य । मद्ध्ये ॥ उथ्सम् । जुषस्व । मधुमन्तमिति
 मधु-मन्तम् । ऊर्व । समुद्रियम् । सदनम् । एति । विशस्व ॥ यः ।
 वै । अग्निम् । प्रयुज्येति प्र - युज्य । न । विमुञ्चतीति
 वि - मुञ्चति । यथा । अश्वः । युक्तः । अविमुच्यमान
 इत्यवि - मुच्यमानः । क्षुद्ध्यन् । पराभवतीति परा - भवति ।
 एवम् । अस्य । अग्निः । परेति । भवति । तम् । पराभवन्तमिति
 परा - भवन्तम् । यजमानः । अनु । परेति । भवति । सः ।

अग्निम् । चित्वा । लूक्षः । 47 (50)

TS 5.5.10.7

भवतीमञ् स्तनमूर्जस्वन्तं धयापामित्याज्यस्य पूर्णाञ् सुचं जुहोत्येष
 वा अग्नेर्विमोको विमुच्यैवास्मा अन्नमपि दधाति तस्मादाहुर्यश्चैवं
 वेद यश्च न सुधायञ् ह वै वाजी सुहितो दधातीत्यग्निर्वाव वाजी
 तमेव तत् प्रीणाति स एनं प्रीतः प्रीणाति वसीयान् भवति () ॥ 48

TS 5.5.10.7 - Padam

भवति । इमम् । स्तनम् । ऊर्जस्वन्तम् । धय । अपाम् । इति ।
आज्यस्य । पूर्णम् । सुचम् । जुहोति । एषः । वै । अग्नेः । विमोक
इति वि - मोकः । विमुच्येति वि - मुच्य । एव । अस्मै । अन्नम् ।
अपीति । दधाति । तस्मात् । आहुः । यः । च । एवम् । वेद । यः ।
च । न । सुधायमिति सु - धायम् । ह । वै । वाजी ।
सुहित इति सु - हितः । दधाति । इति । अग्निः । वाव । वाजी ।
तम् । एव । तत् । प्रीणाति । सः । एनम् । प्रीतः । प्रीणाति ।
वसीयान् । भवति () ॥ 48 (50) (प्रतीची दिक्स्यास्ते-द्विष्मो यश्च-
निलिम्पा ना-मे ह गृहा-इति-लूक्षो-वसीयान् भवति) (A10)

TS 5.5.11.1

इन्द्राय राज्ञे सूकरो वरुणाय राज्ञे कृष्णो यमाय राज्ञ ऋश्य ऋषभाय
राज्ञे गवयः शार्दूलाय राज्ञे गौरः पुरुषराजाय मर्कटः क्षिप्रश्येनस्य
वर्तिका नीलङ्गोः क्रिमिः सोमस्य राज्ञः कुलुङ्गः सिन्धोः
शिञ्शुमारो हिमवतो हस्ती ॥ 49

TS 5.5.11.1 - Padam

इन्द्राय॑ । राज्ञे॑ । सू॒करः॑ । वरु॑णाय । राज्ञे॑ । कृ॒ष्णः॑ । यमा॑य । राज्ञे॑ ।
ऋ॒श्यः॑ । ऋष॑भाय । राज्ञे॑ । गव॑यः । शार्दू॑लाय । राज्ञे॑ । गौरः॑ ।
पुरु॑षराजायेति पुरु॑ष – राजा॑य । म॒र्कटः॑ । क्षिप्र॑श्येनस्येति
क्षिप्र॑ – श्येन॑स्य । वर्ति॑का । नील॑ङ्गोः । क्रि॒मिः॑ । सोम॑स्य । राज्ञः॑ ।
कु॒लुङ्गः॑ । सिन्धोः॑ । शि॒ञ्शु॒मारः॑ । हि॒मव॑त इति हि॒म – व॑तः ।

ह॒स्ती ॥ 49 (28)

(इन्द्राय॑ राज्ञे॑ – ष्ठाविंशतिः॑) (A11)

TS 5.5.12.1

म॒युः॑ प्रा॒जाप॑त्य ऊ॒लो ह॒लीक्ष्णो॑ वृष॑दञ्शस्ते धा॒तुः॑ सर॑स्वत्यै
शा॒रिः॑ श्ये॒ता पु॒रुष॑वाख् सर॑स्वते शु॒कः॑ श्ये॒तः पु॒रुष॑वागा॒रण्योऽजो॑
न॒कु॒लः॑ श॒का ते॑ पौ॒ष्णा वा॒चे क्रौ॒ञ्चः॑ ॥ 50

TS 5.5.12.1 - Padam

म॒युः॑ । प्रा॒जाप॑त्य इति प्रा॒जा – प॑त्यः । ऊ॒लः॑ । ह॒लीक्ष्णः॑ ।
वृष॑दञ्शः । ते । धा॒तुः॑ । सर॑स्वत्यै । शा॒रिः॑ । श्ये॒ता ।

पुरुष॑वागिति॑ पुरुष॑-वाक् । सर॑स्वते । शु॒क्रः । श्ये॑तः । पुरुष॑वागिति॑
पुरुष॑-वाक् । आ॒र॒ण्यः । अ॒जः । न॒कु॒लः । श॒का॑ । ते । पौ॒ष्णाः ।
वा॒चे । क्रौ॒ञ्चः ॥ 50 (23)

(म॒यु – स्त्र॒यो॒वि॒ंश॑तिः) (A12)

TS 5.5.13.1

अपां॑ न॒प्त्रे ज॒षो ना॒क्रो म॒करः॑ कु॒ली॒क॒य॒स्तेऽकू॑पा॒र॒स्य॑ वा॒चे
पै॒ङ्ग॒रा॒जो भ॒गाय॑ कु॒षी॒त॒क आ॒ती वा॒ह॒सो द॒र्वि॒दा ते वा॒य॒व्या
दि॒ग्भ्यश्च॑क्र॒वाकः॑ ॥ 51

TS 5.5.13.1 - Padam

अ॒पाम् । न॒प्त्रे । ज॒षः । ना॒क्रः । म॒करः । कु॒ली॒क॒यः । ते ।
अ॒कू॒पा॒र॒स्य । वा॒चे । पै॒ङ्ग॒रा॒ज इति॑ पै॒ङ्ग॒-रा॒जः । भ॒गाय॑ । कु॒षी॒त॒कः ।
आ॒ती । वा॒ह॒सः । द॒र्वि॒दा । ते । वा॒य॒व्याः । दि॒ग्भ्य इति॑ दिक्-भ्यः ।
च॒क्र॒वाकः॑ ॥ 51 (19)

(अ॒पा – मे॒का॒न्न॒वि॒ंश॑तिः) (A13)

TS 5.5.14.1

ब॒ला॒या॒ज॒ग॒र आ॒खुः सृ॒ज॒या श॒य॒ण्ड॒क॒स्ते मै॒त्रा मृ॒त्य॒वेऽसि॒तो
म॒न्य॒वे॑ स्व॒जः कुं॑भी॒न॒सः पु॒ष्क॒र॒सा॒दो लो॒हि॒ता॒हि॒स्ते त्वा॒ष्ट्राः
प्र॒ति॒श्रु॒त्का॒यै वा॒ह॒सः ॥ 52

TS 5.5.14.1 - Padam

ब॒ला॒य । अ॒ज॒ग॒रः । आ॒खुः । सृ॒ज॒या । श॒य॒ण्ड॒कः । ते । मै॒त्राः ।
मृ॒त्य॒वे॑ । अ॒सि॒तः । म॒न्य॒वे॑ । स्व॒ज इति॑ स्व – जः । कुं॑भी॒न॒स इति॑
कुं॑भी – न॒सः । पु॒ष्क॒र॒सा॒द इति॑ पु॒ष्क॒र – सा॒दः । लो॒हि॒ता॒हि॒रिति॑
लो॒हि॒त-अ॒हिः । ते । त्वा॒ष्ट्राः । प्र॒ति॒श्रु॒त्का॒या इति॑ प्र॒ति – श्रु॒त्का॒यै ।

वा॒ह॒सः ॥ 52 (18)

(ब॒ला॒या – षा॒द॒श) (A14)

TS 5.5.15.1

पु॒रु॒ष॒मृ॒गश्च॒न्द्र॒म॒से गो॒धा का॒ल॒का दा॒र्वा॒घा॒ट॒स्ते व॒न॒स्प॒ती॒नामे॒ण्य॒हे
कृ॒ष्णो रा॒त्रि॒यै पि॒कः क्षि॒व॒ङ्गा नी॒ल॒शी॒र्ष्णी ते॒ऽर्य॒म्णे धा॒तुः
क॒त्क॒टः ॥ 53

TS 5.5.15.1 - Padam

पुरुष॑मृ॒ग इति॑ पुरुष॑ – मृ॒गः । च॒न्द्रम॑से । गो॒धा । का॒ल॒का । दा॒र्वा॒घा॒ट
इति॑ दा॒रु-आ॒घा॒तः । ते । वन॑स्पती॒नाम् । ए॒णी । अ॒हे॑ । कृ॒ष्णः ।
रा॒त्रि॒यै । पि॒कः । क्षि॒व॒ङ्गाः । नी॒ल॒शी॒र्ष्णीति॑ नी॒ल – शी॒र्ष्णी । ते ।
अ॒र्य॒म्णे । धा॒तुः । क॒त्क॒टः ॥ 53 (18)

(पुरुष॑मृ॒गो-॥ ष॒ष्टाद॑श) (A15)

TS 5.5.16.1

सौरी॑ ब॒लाक॑श्यो॒ मयू॑रः श्ये॒नस्ते॑ ग॒न्ध॒र्वा॒णां व॑सू॒नां क॒पि॒ञ्ज॒लो
रु॒द्रा॒णां ति॒त्तिरी॑ रो॒हित् कु॑ण्ड॒णाची॑ गो॒ल॒त्तिका॑ ता अ॒प्सर॑सा-
म॒र॒ण्याय॑ सृ॒मरः॑ ॥ 54

TS 5.5.16.1 - Padam

सौरी॑ । ब॒ला॒का॑ । ऋ॒श्यः॑ । मयू॑रः । श्ये॒नः । ते । ग॒न्ध॒र्वा॒णाम् ।
व॑सू॒नाम् । क॒पि॒ञ्ज॒लः । रु॒द्रा॒णाम् । ति॒त्ति॒रिः । रो॒हित् । कु॑ण्ड॒णाची॑ ।
गो॒ल॒त्तिका॑ । ताः । अ॒प्सर॑साम् । अ॒र॒ण्याय॑ । सृ॒मरः॑ ॥ 54 (18)

(सौ-र्य॑षाद॑श) (A16)

TS 5.5.17.1

पृ॒षतो॑ वै॒श्वदे॒वः पि॒त्वो न्य॒ङ्कुः॑ क॒शस्ते॑ऽनु॒मत्या॑ अ॒न्यवा॒पोऽर्ध॑मा॒सानां॑
मा॒सां क॒श्यपः॑ क्वयिः॑ कु॒टरु॑र्दा॒त्यौह॑स्ते सि॒नीवा॒ल्यै बृ॒हस्प॑तये

शित्पु॒टः ॥ 55

TS 5.5.17.1 - Padam

पृ॒षतः॑ । वै॒श्वदे॒व इति॑ वै॒श्व – दे॒वः । पि॒त्वः । न्य॒ङ्कुः॑ । क॒शः । ते ।
अ॒नु॒मत्या॑ इत्यनु॑ – म॒त्यै । अ॒न्यवा॒प इत्यन्य॑ – वा॒पः ।
अ॒र्ध॒मा॒साना॑मित्य॒र्ध – मा॒साना॑म् । मा॒साम् । क॒श्यपः॑ । क्वयिः॑ ।
कु॒टरुः॑ । दा॒त्यौहः॑ । ते । सि॒नीवा॒ल्यै । बृ॒हस्प॑तये ।

शित्पु॒टः ॥ 55 (18)

(पृ॒षतो॑- ऽष्टा॒दश) (A17)

TS 5.5.18.1

श॒का भौ॒मी पा॒न्त्रः क॒शो मा॒न्थील॑वस्ते पि॒तृणा॑मृ॒तूनां॑ ज॒हका॑
सँव॒त्सरा॑य लो॒पा क॒पोत॑ उ॒लूकः॑ श॒शस्ते॑ नैर्ऋ॒ताः कृ॒कवा॑कुः

सा॒वि॒त्रः ॥ 56

TS 5.5.18.1 - Padam

श॒का॑ । भौ॒मी । पा॒न्त्रः । क॒शः । मा॒न्थी॒लवः॑ । ते । पि॒तृ॒णाम् ।
ऋ॒तूना॑म् । ज॒ह॒का । सँ॒व॒थ्स॒राये॑ति सं-व॒थ्स॒राय॑ । लो॒पा । क॒पो॒तः ।
उ॒लू॒कः । श॒शः । ते । नै॒र्ऋ॒ता इति॑ नैः – ऋ॒ताः । कृ॒क॒वा॒कुः ।

सा॒वि॒त्रः ॥ 56 (18)

(श॒का – ऽष्टा॑द॒श) (A18)

TS 5.5.19.1

रु॒रु रौ॒द्रः । कृ॒क॒ला॒सः । श॒कु॒निः । पि॒प्प॒का ते श॒र॒व्या॒यै ह॒रि॒णो मा॒रु॒तो
ब्र॒ह्म॒णे शा॒र्ग॒स्तर॑क्षुः कृ॒ष्णः । श्वा च॒तु॒रक्षो॑ गर्द॒भस्त॑ इ॒तर॒ज॒ना॒नाम॒ग्नये॑
धू॒ङ्क्ष॒णा ॥ 57

TS 5.5.19.1 - Padam

रु॒रुः । रौ॒द्रः । कृ॒क॒ला॒सः । श॒कु॒निः । पि॒प्प॒का । ते । श॒र॒व्या॒यै ।
ह॒रि॒णः । मा॒रु॒तः । ब्र॒ह्म॒णे । शा॒र्गः । त॒रक्षुः॑ । कृ॒ष्णः । श्वा । च॒तु॒रक्ष॑
इति॑ च॒तुः – अ॒क्षः । गर्द॒भः । ते । इ॒तर॒ज॒ना॒नामि॒ती॒तर॑-ज॒ना॒नाम् ।
अ॒ग्नये॑ । धू॒ङ्क्ष॒णा ॥ 57 (20) (रु॒रु – वि॒ङ्क्ष॒तिः) (A19)

TS 5.5.20.1

अलज॑ आ॒न्तरि॑क्ष उ॒द्रो म॒द्गुः प्ल॒वस्ते॑ऽपाम॑दित्यै ह॒ऽससा॑चिरिन्द्रा॒ण्यै
कीर्॒शा गृ॒ध्रः शि॒तिक॒क्षी वा॒र्ध्राण॑सस्ते दि॒व्या द्या॑वापृ॒थिव्या॑
श्वा॒वित् ॥ 58

TS 5.5.20.1 - Padam

अलजः । आ॒न्तरि॑क्षः । उ॒द्रः । म॒द्गुः । प्ल॒वः । ते । अ॒पाम् ।
अ॒दि॒त्यै । ह॒ऽससा॑चिरि॒ति ह॒ऽस – सा॑चिः । इन्द्रा॒ण्यै । कीर्॒शा ।
गृ॒ध्रः । शि॒तिक॒क्षीति॑ शि॒ति – क॒क्षी । वा॒र्ध्राण॑सः । ते । दि॒व्याः ।
द्या॑वापृ॒थिव्ये॑ति द्या॒वा – पृ॒थिव्या॑ । श्वा॒विदि॑ति श्व – वि॒त् ॥ 58 (18)
(अल॒जो – ऽष्टा॑दश) (A20)

TS 5.5.21.1

सु॒पर्णः पा॒र्जन्यो॑ ह॒ऽसो वृ॒को वृष॑द॒ऽशस्त॑ ऐ॒न्द्रा अ॒पामु॒द्रो ऽर्य॑म्णे
लो॒पाशः॑ सि॒हो न॑कु॒लो व्या॒घ्रस्ते॑ महे॒न्द्राय॑ का॒माय॑ पर॒स्वान् ॥ 59

TS 5.5.21.1 - Padam

सु॒पर्ण इति॑ सु – पर्णः । पा॒र्जन्यः । ह॒ऽसः । वृ॒कः । वृष॑द॒ऽशः ।
ते । ऐ॒न्द्राः । अ॒पाम् । उ॒द्रः । अ॒र्यम्णे॑ । लो॒पाशः । सि॒हः ।

नकुलः । व्याघ्रः । ते । महेन्द्रायेति महा – इन्द्राय । कामाय ।

परस्वान् ॥ 59 (18)

(सुपर्णो – ष्टादश) (A21)

TS 5.5.22.1

आग्नेयः कृष्णाग्रीवः सारस्वती मेषी बभ्रुः सौम्यः पौष्णः श्यामः
शितिपृष्ठो बार्हस्पत्यः शिल्पो वैश्वदेव ऐन्द्रोऽरुणो मारुतः कल्माष
ऐन्द्राग्नः संहितोऽधोरामः सावित्रो वारुणः पेट्वः ॥ 60

TS 5.5.22.1 - Padam

आग्नेयः । कृष्णाग्रीव इति कृष्ण – ग्रीवः । सारस्वती । मेषी ।
बभ्रुः । सौम्यः । पौष्णः । श्यामः । शितिपृष्ठ इति शिति – पृष्ठः ।
बार्हस्पत्यः । शिल्पः । वैश्वदेव इति वैश्व – देवः । ऐन्द्रः ।
अरुणः । मारुतः । कल्माषः । ऐन्द्राग्न इत्यैन्द्र – अग्नः ।
संहित इति सं – हितः । अधोराम इत्यधः – रामः । सावित्रः ।
वारुणः । पेट्वः ॥ 60 (22)

(आग्नेयो – द्वाविंशतिः) (A22)

TS 5.5.23.1

अ॒श्व॒स्तू॒परो॒ गो॒मृ॒गस्ते॒ प्रा॒जा॒प॒त्या आ॒ग्ने॒यौ कृ॒ष्ण॒ग्री॒वौ त्वा॒ष्ट्रौ
लो॒मश॒स॒क्थौ शि॒ति॒पृ॒ष्ठौ बा॒र्ह॒स्प॒त्यौ धा॒त्रे पृ॒षो॒दरः॑ सौ॒र्यो
ब॒लक्षः॑ पे॒त्वः ॥ 61

TS 5.5.23.1 - Padam

अ॒श्वः । तू॒परः । गो॒मृ॒ग इति॑ गो – मृ॒गः । ते । प्रा॒जा॒प॒त्या इति॑
प्रा॒जा – प॒त्याः । आ॒ग्ने॒यौ । कृ॒ष्ण॒ग्री॒वा॒विति॑ कृ॒ष्ण – ग्री॒वौ ।
त्वा॒ष्ट्रौ । लो॒मश॒स॒क्था॒विति॑ लो॒मश – स॒क्थौ । शि॒ति॒पृ॒ष्ठा॒विति॑
शि॒ति – पृ॒ष्ठौ । बा॒र्ह॒स्प॒त्यौ । धा॒त्रे । पृ॒षो॒दर इति॑ पृ॒ष – उ॒दरः ।
सौ॒र्यः । ब॒लक्षः॑ । पे॒त्वः ॥ 61 (16)

(अ॒श्वः – षोड॑श) (A23)

TS 5.5.24.1

अ॒ग्नये॑ऽनी॒क॒वते॒ रोहि॑ताज्जि॒रन॒ड्वान॒धोरा॑मौ सा॒वि॒त्रौ पौ॒ष्णौ
र॒ज॒त॒ना॒भी वै॒श्वदे॑वौ पि॒शङ्गौ॑ तू॒परौ मा॒रुतः॑ क॒ल्मा॑ष आ॒ग्ने॒यः
कृ॒ष्णो॑ऽजः सा॒र॒स्व॒ती मे॒षी वा॒रुणः॑ कृ॒ष्ण एक॑शि॒ति॒पात् पे॒त्वः ॥ 62

TS 5.5.24.1 - Padam

अ॒ग्नये॑ । अ॒नी॒क॒व॒त इ॒त्यनी॑क-व॒ते । रोहि॑ताञ्जि॒रिति॑
रोहि॑त-अ॒ञ्जिः । अ॒न॒ड्वान् । अ॒धो॒रा॒मा॒वित्य॑धः - रा॒मौ । सा॒वि॒त्रौ ।
पौ॒ष्णौ । र॒ज॒त॒ना॒भी इति॑ र॒ज॒त - ना॒भी । वै॒श्व॒दे॒वा॒विति॑ वै॒श्व-दे॒वौ ।
पि॒शङ्गा॑ । तू॒परौ । मा॒रु॒तः । क॒ल्मा॑षः । आ॒ग्ने॒यः । कृ॒ष्णः । अ॒जः ।
सा॒र॒स्व॒ती । मे॒षी । वा॒रु॒णः । कृ॒ष्णः । ए॒क॒शि॒ति॒पा॒दित्ये॑क-शि॒ति॒पा॒त् ।
पे॒त्वः ॥ 62 (22)

(अ॒ग्नये॑ - द्वा॒विं॒शतिः॑) (A24)

Prasna Korvai with starting Padams of 1 to 24 Anuvaakams :-

(यदे॑केन - प्र॒जा॒प॒तिः प्रे॒णाऽनु॑ - य॒जु॒षा - ऽऽपो॑ - वि॒श्व॒क॒र्मा -
ऽग्न॑ आ या॒हि - सु॒व॒र्गा॒य व॒ज्रो - गा॒य॒त्रे॒णा - ग्न॑ उ॒द॒धे - स॒मी॒ची
- न्द्रा॒य - म॒यु - र॒पां - ब॒ला॒य - पु॒रु॒ष॒मृ॒गः - सौ॒री - पृ॒ष॒तः -
श॒का - रु॒रु - र॒ल॒जः - सु॒प॒र्ण - आ॒ग्ने॒यो - ऽश्वो॑ -
ऽग्नये॑ऽनी॒क॒व॒ते - च॒तुर्विं॑शतिः)

पद पाठे (वाक्य सहित) – पञ्चमकाण्डे – पञ्चमः प्रश्नः

Korvai with starting Padams of 1, 11, 21 Series of Panchaatis :-

(यदेके॑न – स पापी॑या – ने॒तद्वा अ॒ग्ने – र्धनु॑स्तद् –
दे॒वास्त्वेन्द्र॑ज्येष्ठा – अ॒पां न॒प्त्रे – ऽश्व॑स्तूप॒रो – द्विष॑ष्टिः)

First and Last Padam of Fifth Prasnam of 5th Kandam

(यदेके॑ – नैक॑शितिपा॒त् पेत्वः॑)

॥ हरिः॑ ओँ ॥

॥ कृष्ण यजुर्वेदीय तैत्तिरीय संहितायां पद पाठे पञ्चमकाण्डे

पञ्चमः प्रश्नः समाप्तः ॥

पद पाठे (वाक्य सहित) – पञ्चमकाण्डे – पञ्चमः प्रश्नः

Details of Panchati and Padam for Kandam 5 , Prasanam 5 (TS 5.5)

	Panchati	Padams
Anuvakam 1	7	338
Anuvakam 2	7	340
Anuvakam 3	3	174
Anuvakam 4	4	218
Anuvakam 5	4	203
Anuvakam 6	3	166
Anuvakam 7	5	258
Anuvakam 8	3	172
Anuvakam 9	5	232
Anuvakam 10	7	350
Anuvakam 11	1	28
Anuvakam 12	1	23
Anuvakam 13	1	19
Anuvakam 14	1	18
Anuvakam 15	1	18
Anuvakam 16	1	18
Anuvakam 17	1	18
Anuvakam 18	1	18
Anuvakam 19	1	20

पद पाठे (वाक्य सहित) – पञ्चमकाण्डे – पञ्चमः प्रश्नः

Anuvakam 20	1	18
Anuvakam 21	1	18
Anuvakam 22	1	22
Anuvakam 23	1	16
Anuvakam 24	1	22
Total →	62	2727

Notes:

1. Please refer to the book “TS Kandam 1” and “TS 1.1 pada paadam with Vaakyam” for notes and conventions used in this Compilation.
2. Please download our vedic compilations from our web site www.vedavms.in